



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

751vs

H45

UC-NRLF




#B 29 971

YD 13341

25.392.

·FROM·THE·LIBRARY·OF·  
·OTTO·BREMER·



75115  
H45

DE

# FONTIBUS GEOGRAPHICORUM STRABONIS

COMMENTATIONES DUAE,

REGIAE SOCIETATI SCIENTIARUM EXHIBITAE

UNIV OF  
CALIFORNIA  
AB

ARNOLDO HERMANNO LUDOVICO HEEREN

ORDINIS GUELFGI EQUITIS

REGI A CONSILIIS AULAE, HISTORIARUM PROFESSORE

IN ACADEMIA GEORGIA AUGUSTA.

---

GOTTINGAE MDCCCXXIII.

APUD HENRICUM DIETERICH.

TO VMD  
AIRBORNE

BREMER

DE  
FONTIBUS GEOGRAPHICORUM STRABONIS  
COMMENTATIO PRIORAUCTORE  
A. H. L. H E E R E N.PRAELECTA IN CONSESSU REG. SOCIETATIS AD D. 5. AUGUSTI  
MDCCCXX.

**A**bsoluta iam quatuor commentationibus disquisitione de fontibus et auctoritate vitarum parallelarum Plutarchi, alium iterum scriptorem, non minus grauem, simili censurae subiicere propositum mihi est, Sodales, Geographorum nempe antiquorum principem *Strabonem*. Si enim leges Societatis nostrae postulant, ut in disciplinis historicis hoc maxime propositum sibi habeat, ut ad seueras critices leges rerum gestarum memoria reuocetur, minime alienum duco a consiliis eius hoc studiorum genus. Pendet enim, si eos scriptores exceperis, qui velut Thucydides, Sallustius et alii, res gestas quibus ipsi aequales essent, describere, reliquorum, qui eas nec visu nec auditu perceperant, sed ex monumentis scriptis hauserant, fides, ex dolectu ducum quos sibi praesentes habuere. Quare, si de earum auctoritate certum iudicium ferre velis, illud primo postulamus, ut quos fontes adierint, exploretur; ac tunc demum historiam antiquam certis fundamentis superstructam esse putabimus, cum eorum tradita vnde petita sint, declaratum fuerit. Longius quidem patet hic campus, quam ut a

A

me solo peragrari possit; quantum tamen in me est, pergam in decupiendo studio quod semel ingressus sum; et si integrum illud conficere mihi non datum sit, succedent forte alii, qui eam laudem vindicabunt Societati nostrae, suis studiis deberi, ut exploratum habeamus, quatenus antiquitatis memoria certa, quatenus dubia, quatenus plane nulla sit.

*Strabo*, in Cappadociae vrbe Amasea nobili genere ortus, Augusti et Tiberii aequalis, duo reliquerat opera admodum insignia, alterum Historicum, quod fata nobis invidere; alterum Geographicum, quod quidem ad tempora nostra peruenit; non tamen sine lacunis; quae, nisi meliores forte codices manuscripti ex bibliothecis eruantur, non amplius expleri possunt. In commentariis historicis opus Polybii, usque ad Caesaris saltem caedem, continuauerat; locuti autem sumus de his in commentationibus nostris in *Plutarchum* <sup>1)</sup>; hic tantum de Geographicis sermo erit.

Antequam autem ad explorandos fontes Geographicorum procedere possimus, praemonenda erunt nonnulla de ipso scriptore, de operis eius consilio et natura. Huius enim disputationis non eandem prorsus esse indolem quae prioris *de fontibus vitarum parallelarum Plutarchi*, et quae hanc praecessit *de fontibus Iustini, vel Trogi potius Pompeii*, quem ille in compendium redegit, facile in oculos incurrit. Enarrat Plutarchus virorum, qui longe ante eum vixerant, res gestas; describit Strabo faciem orbis terrarum, qualis sua aetate esset. Pendebat ille totus ex scriptoribus, quos sibi duces elegerat; Strabo contra, quamvis et ipse in multis ad aliorum testimonia recurrere debuit, multa suis oculis viderat, ac propria auctoritate tradere poterat. Bene itaque haec distinguenda esse nemo non videt; quare illud primo accuratius

---

<sup>1)</sup> cf. Commentat. IV.

definiendum erit; quas regiones ipse adierit vel ex aequalium saltem narrationibus descripserit; quas contra ex auctorum tantum traditis cognititas habuerit? Minime autem hoc ignorare voluit Strabo lectores; pluribus enim locis de peregrinationibus suis loquitur. Praeentes enim in hoc sibi habuit Polybium et Posidonium, qui et ipsi regiones quas describere prius adierant; ad quorum exemplar, quod infra monebimus, imprimis sese composuisse videtur. Quas autem peregrinationes instituerit, antequam ad Geographiam scribendam sese accingeret, ipse nos edocet libro secundo <sup>2</sup>). "Expomemus, inquit, tum quae ipsi obiuimus terra marique, tum de quibus aliorum scriptis vel narrationibus nobis fides facta est. Ipsi obiuimus versus occasum ab Armenia vsque ad Etrusiae loca Sardiniae opposita; versus meridiem ab Euxino ponto vsque ad fines Aethiopiae. Neque vero, addit, reliquorum qui situm terrae descripserunt, quendam facile inuenies, qui dicta interualla obeundo, multa plura quam nos praestiterit; nam qui in occidua plaga plura viderunt, orientalium non tantum quantum nos attigerunt; (in quo procul dubio Polybium ac Posidonium respicere;) contra alii pauciora in occasu; quod idem de septentrione et meridie affirmo." — Discimus inde, Strabonem in Asia visitasse omnem Asiam minorem; (in qua quoque Amasiae natum eum fuisse, supra iam monuimus;) Syriam praeterea cum Phoenicia, in Africa vero omnem Aegyptum vsque ad Aethiopiae fines; i. e. vsque ad urbem Syenem ac Nili Catarrhactus; (vbi quoque Aelio Gallo qui expeditionem in Arabiam suscepit, amicitia iunctus fuit;) denique in Europa omnem Graeciam cum insulis; Macedoniam ac Italiam; excepta tamen Gallia cisalpina ac Liguria. In reliquis terris describendis pendebat utique ab aliorum testimoniis siue scriptis, siue quae sermonibus perceperat.

<sup>2</sup>) Strabo lib. II. p. 177 edit. Almelov. quam semper sequimur.



"Omnino vero, inquit <sup>3)</sup>, pleraque ut illi qui nos antecesserunt, ita nos quoque auditu percepta composuimus." Quae si tecum reputes, inde iam quid a Critico, qui Strabonis Geographiconum fontes explorandos sibi sumit, quid non, expectari poterit, apparebit. Siue enim terras spectes, quas ipse adiit Strabo, siue reliquas, minime omnia ex libris scriptis depromta sunt; sed multa quoque, ac fortasse plurima ex testium, qui oculati aderant, narrationibus. Et haec quidem ad auctores suos referre, nisi forte Strabo ipse eos indicat, frustra tentabis; subsistendum itaque erit in eo, ut quae ex commentariis scriptis deriuata sunt, auctoribus suis reddamus. Sunt utique multa in his, in quibus dubius haereas; plerumque tamen scriptores, quos sibi duces elegerat, ipse indicat Strabo; longe in hoc diuersus a Iustino, qui eos nunquam, et a Plutarcho, qui eos interdum tantum laudauit. Res autem nostras ita instituemus, ut sequamur quidem ordinem librorum; respectu tamen simul habito terrarum seu regionum, ubi descriptio eiusdem terrae per plures libros continuatur; ne eadem saepius repetendo taedium paremus lectoribus. Repetendum enim hic quoque duco, quod iam in commentationibus Plutarcheis professus sum, certum ac stabile iudicium de fontibus scriptoris tunc demum ferri posse, si ad singula descendas; ac his demum pro viribus exploratis, licere, de autoritate eius in vniuersum pronuntiare. Distinxit autem Strabo, quod nemo non probabit, topographiam seu descriptionem singularum terrarum a Cosmographia; seu descriptione orbis terrarum in vniuersum. Huic ex septendecim libris duo priores; reliquos quindecim Chorographiae destinauit. Complectetur autem haec nostra disputatio hodie *decem* libros priores; i. e. Cosmographiam cum Europae terrarum descriptione; reliquos *septem*, Asiam et Africam continentes, proximae disputationi referuamus.

---

3) p. 178.

## LIB. I. II.

## COSMOGRAPHIA.

Praemissit itaque Strabo descriptioni singularum terrarum capita nonnulla generalia, quae libro primo et secundo continentur. Exhibet primo recensum auctorum, qui ante eum de geographia bene meriti fuerant; quae in iis laudanda quae reprehendenda sint, subiungit; suumque adeo de iis iudicium interponit. Excipiunt haec versus finem libri primi disquisitiones de figura, ambitu ac magnitudine, orbis terrarum ac terrae maxime habitatae; quae libro secundo continuantur; ut et de Zonis seu diuisionibus orbis terrarum; adeoque omnino ea capita, quae ad geographiam tum mathematicam tum physicam vniuersalem pertinent. Scriptores vero, qui de hisce egerant, non modo nominat, sed recenset quoque Geographus; ut si de fontibus horum librorum quaeris, nihil fere sit, quod incertum vel obscurum maneat.

Incipit autem Strabo ab *Homero*; cuius apud eum tanta auctoritas est, ut eum non poëtarum modo, sed geographorum quoque principem ponat. Aduersantes sibi in hoc vero habuit nonnullos seriorum geographorum; defensionem itaque contra eos suscipit Homeri; cui maiorem libri primi partem destinavit. Nimirum quidem nostrum Homero tribuere, vix negaueris; certe enim in eo falsus est, quod fabulosa, quae apud poëtam legimus, omnia ad veritatem reuocare velit; ceterum imaginem locorum ac regionum quas ipse viderat poëta mira veritate ab eo exhibitam esse, concedunt omnes; erant vero haec eadem loca, quae perlustrauerat quoque Geographus; quid itaque mirum, cum vbiuis veritas descriptionum poëtae animum percelleret, eum admiratione eius fuisse abreptum? Praeterea, cum non praesentem tantum terrarum statum depingere, sed qualis antiquitus fuerit quoque docere sibi propositum haberet, non vituperandus est, si de Ho-

meri auctoritate, quem sibi in hisce ducem principem elegerat, disputationem institueret. Inquit itaque in libro primo in Homeri sententias de Oceano; de terrae figura ac ambitu; de partibus terrae, quas cognitae habuerit; eumque contra criticorum reprehensiones defendit; eorum maxime, qui poëtam non docere, sed delectare tantum debere contenderant. 4). Subiungit hisce recensum eorum, qui post Homerum geographia tractanda inclaruere; simulque rationes addit, quare in multis meliora tradere possit, cum bellis Parthicis, Mithridaticis et Germanicis, tum magna Asiae pars aperta, tum Europae occidentalis ac septentrionalis regiones ad Albim vsque fluvium exploratae sint 5). Redit tunc iterum ad Homerum ac Homericam poësin; ut quatenus ea pro fonte geographiae ac historiae haberi possit, accuratius ostendat. Quamvis enim multa in ea fabulosa insint, his ipsis tamen subesse fundum veritatis; ac minime omnia quae mythica sint pro confictis habenda esse; quod pluribus exemplis, navigatione inprimis ac erroribus Ulyssis, ostendit. Obloquitur inprimis Eratostheni, qui Homerum in Geographica eodem numero, quo alias poëtas, habuerat; eumque de remotis potissimum monstrosas fabulas finxisse, contenderat. Fabulas enim de terris longinquis per exiguum tantum esse eorum partem, quae de Graecia, de Insulis, ac Asiae obiacentis regionibus verissime tradiderit. Nec minus accurate Homerum locutum esse de ventis, de Zonis, de populis australibus, Aethiopibus scilicet; ac septentrionalibus seu Hyperboreis. Nec, si forte multa silentio praeterierit, inde poëtam ea ignorasse statim concludi posse; quod inprimis Argonautarum expeditionis exemplo declaratur 6).

Exposita iam sua de Homero eiusque geographia sententia, ceteros quoque scriptores, qui de geographia vniuersali inprimis

---

4) p. 13.

5) p. 178.

6) p. 37 etc.

meriti erant, recenset geographus; nostrum itaque erit breuem eorum notitiam exhibere, ne infra eadem saepius nobis repetenda sint; saepe enim in sequentibus quoque libris ad eos pronocat Strabo. Distinguit autem ipse antiquiores, qui florentibus Graeciae rebus scripserant ab iis, qui Macedonum ac Ptolemaeorum aetate floruerant?). Primos vero post Homerum nominat *Anaximandrum* Milesum, eiusque ciuem *Hecataeum*. De *Anaximandro* tradit, eum primum confecisse tabulam Geographicam<sup>8)</sup>; *Hecataeum* autem geographiam scriptis illustrasse. Quod ad *Anaximandri* tabulam attinet, ex ipsis Strabonis verbis satis apparere arbitror, eam aeri incisam fuisse. Emendasse autem dicitur *Hecataeus* hancce tabulam; quod procul dubio ita intelligendum est, aliam eamque emendatiorem eum confecisse; in tabulis enim aeri incisis emendationibus vix amplius locum esse, per se clarum est. Fuerunt itaque hae tabulae eiusdem generis cum illa, quam Herodoto teste *Aristagoras* *Cleomeni*, Spartanorum regi, ostendit<sup>9)</sup>: χαλκεον πίνακα, ἐν τῷ γῆς ἀπάσης περίοδος ἐτέτμητο, καὶ θάλασσά τε πᾶσα καὶ πόταμοι πάντες. Hanc vero *Aristagorae* tabulam nullam aliam fuisse, quam illam *Anaximandri*, quod suspicatur *Abrahamus Gronovius*<sup>1)</sup>, et post eum alii, nihil est quod probat, ac parum verisimile mihi videtur. Apud Milesios enim, qui nauigationes longinquas ac itinera in terras remotas commerciorum causa suscipiebant, fieri omnino debuit, vt cum ipsis studiis geographicis tabularum quoque geographicarum vsus frequentior fieret. Idem euenit apud nostrates Saeculo XV; procedebant enim tunc quoque orbis terrarum delineationes a tabulis aeri seu metallo incisis, cuius insigne exemplum praebet *Tabula Borgiana*, medio Saeculo XV confecta; ac a me quondam in con-

7) p. 3.

8) p. 13.

9) Herod. V, 49.

1) Creuzer Hist. apt. fragm. p. 9.

sestibus nostris explicata; cuius Apographon Volumini XVI Commentationum Societatis adiunctum est.

Hecataeum tamen non in emendanda tantum tabula geographica substituisse, sed scriptis quoque Geographiam illustrasse, ex Strabone ipso aliisque auctoribus apparet. Inter plura autem Hecataei scripta hic tantum nominanda est eius *γῆς περιήγησις*, hoc titulo ab Athenaeo laudata <sup>2)</sup>. Hanc enim Strabonem ante oculos habuisse, cum Hecataeum geographiam *γράμματι* illustrasse dicit, non dubitabis. Diuisa ea fuisse videtur secundum tres orbis partes; quas enim singulas citatas inuenimus, *Ευρώπης* et *Ασίας περιήγησις* <sup>3)</sup>, partes tantum vniuersi orbis terrarum descriptionis fuisse, admodum mihi probabile videtur.

*Democritum* quidem post Hecataeum inter antiquos geographos recenset Strabo; libri tamen titulo, (multa autem constat et varia eum reliquisse); nunquam addito. Lectam tamen fuisse eius *Κοσμογραφίαν*, constat ex Diogene Laërtio <sup>4)</sup>; hanc itaque respexisse Strabonem cum Democritum inter Geographos nominat, certum videtur.

Democritum excipit *Eudoxus*, Cnidius, celebris Geometrer et philosophus, Platonis aequalis, de quo plura Diogenes Laërtius. Mathematicum eum vocat noster; qui terrarum figuras ac climata accurate nouerit; de Graeciae rebus bene scripserit; de Scythiis vero multa fabulosa tradiderit; titulo tamen operis nunquam addito. Scripserat vero *γῆς περίοδον*; opus satis spissum; septimum enim librum citat Athenaeus <sup>5)</sup>; in quo singularum quoque regionum, quatenus sua aetate cognitae essent, ac Graeciae inprimis, descriptio continebatur.

2) Athen. X, p. 447.

3) Athen. II, 70. Sunt tamen qui eas alio Hecataeo, *νηϊώτ*, adscribant.

4) Diog. IX, 7, 13.

5) Athen. VI, p. 288.

In Graeciae quoque descriptione versata erat *Dicaearchi*, Aristotelis aequalis, opera; quem post Eudoxum nominat Strabo. Legebatur scilicet opus eius *περὶ τῆς Ἑλλάδος βίου*; cuius tertium librum citat Athenaeus<sup>6)</sup>. Si itaque ex titulo res diiudicanda foret, in Graeciae tantum descriptione sese continuisset Dicaearchus. Subiunxisse eum tamen quoque mensuras distantiarum Graeciae a columnis Herculis ac alias, ex ipso Strabone discimus; quas vix constituere potuisset, nisi mensuras omnis terrae habitatae addidisset; quod in causa fuisse puto, quare Strabo eum inter scriptores citat, qui geographiam vniuersalem tractauerant.

Vltimum ex antiquioribus geographis ponit *Ephorum*; qui quatenus non modo inter historicos, sed geographos quoque locum obtineat, quaeritur. Dubitatum enim est, num Ephorus praeter historias opus quoque geographicum reliquerit; an vero historiis tantum capita geographica inseruerit? Dubitationem tamen ipse eximit Strabo; qui libro octauo statim in initio Ephorū iis annumerat, qui in communis historiae enarratione partium orbis terrarum descriptionem seorsim receperant, *velut Ephorus*, inquit, et *Polybius* <sup>7)</sup>. Quare cum Ephorum commemorat, nullum dubium, eum celeberrimum Historiarum opus respicere.

A Geographis hisce antiquioribus seiungit Strabo seriores; Eratosthenem, Hipparchum, Polybium et Posidonium.

Quod ad *Eratosthenem* attinet, legebantur eius *Geographica*; tribus libris comprehensa; ex quibus ampla nobis fragmenta servauit Geographus. Collecta ea sunt quondam ac ordine suo disposita a viro pie defuncto, Seidelio <sup>8)</sup>. Vix autem est scriptor, quem

6) Athen. XIII, p. 557.

7) p. 513. cf. *Fragmenta Ephori*, collecta a *Mayer* *Marx* p. 47.

8) *Eratosthenis Geographicorum fragmenta*, collecta a *G. C. Fr. Seidel* Götting. 1789. Praemissa est commentatio de Eratosthene eiusque scriptis; quam cf. p. XVI.

saepius citet noster; siue ut tradita eius corrigat ac refellat; siue ut eius testimoniis sua placita confirmet. Compræhendebant autem Eratosthenis Geographica tum Geographiam vniuersalem, mathematicam et physicam; tum Chorographiam, seu singularum terrarum descriptionem. Disposita autem erant hoc ordine: Primus liber continuit Historiam Geographiae, auctorumque recensum, tum quorum auctoritatem sequebatur, tum quorum leuitatem reprehendebat. Praeuntem sibi habuit in hisce Stratonem maxime Lampfacenum; et Xanthum Lydium. Excipiebant haec elementa Geographiae Physicae; ut illa aetate exspectari poterant. In altero libro Geographiam tractabat Mathematicam; ita ut formam et magnitudinem totius orbis terrarum, praecipue autem terrae habitabilis, τῆς οἰκουμένης faciem, fines, longitudinem et latitudinem demonstraret. Tertius denique liber Geographiam politicam, secundum tres orbis partes, Europam, Asiam, Lybiam, earumque terras exhibebat. Addita autem erat noua Tabula Geographica terrae habitatae, emendata et correcta. Haec vero in vniuersum de Eratosthenis opere Geographico dicta sufficiant.

Acrem autem censorem nactus est Eratosthenes in Hipparcho; ex Nicaea Bithyniae vrbe oriundo; astronomo insigni, qui primus ad Geographiam emendandam siderum obseruationes adhibuit <sup>9)</sup>. Ediderat vero contra Eratosthenem opus: πρὸς τὸν Ερατοσθένη, καὶ τὰ ἐν τῇ γεωγραφίᾳ αὐτοῦ λεχθέντα. Tribus quoque libris Hipparchi hoc scriptum contentum fuisse videtur; librum enim secundum et tertium citatum inuenimus apud nostrum <sup>1)</sup>; ut adeo presso pede secutus fuerit aduersarium, cum censuram operis eius totidem libris comprehenderet, quot illud continebat. Comparationem autem vtriusque operis instituit noster libro secundo; vbi multa ex Hipparcho exscripsit; ac quauis fere pagina eum laudat.

9) Strab. p. 14.

1) p. 150. et saepius.

Superfunt *Polybius* et *Posidonius*. Quod ad *Polybium* attinet, si inter Geographos recensetur, eodem hoc iure fit, quo *Ephorus*. Minime enim Geographiam conscripserat; sed magno Historiarum operi, *Ephori* exemplum secutus, disquisitiones geographicas non de singulis tantum regionibus, quas ipse adierat, sed de terrae quoque habitatae figura et ambitu inferuerat <sup>2)</sup>.

Non plane eadem fuit *Posidonii* ratio. Quamuis enim et ille, cum in Historiis esset *Polybii* continuator, multa iis Geographica, ac ad locorum descriptionem, quae ipse visitauerat spectantia immiscuisset; praeterea tamen legebatur opus eius Geographicum *de Oceano*, a Strabone quoque titulo addito laudatum <sup>3)</sup>, in quo Oceani naturam, ambitum et phaenomena descripserat. Strabonem vero hunc librum in manibus habuisse, ac non in vnico tantum loco, quo eum titulo addito nominat, sed in multis aliis eo vsum fuisse, infra apparebit. Longe tamen plurima, quae libro maxime secundo ex *Posidonio* exscripsit, non ex commentario *de Oceano*, sed ex magno Historiarum opere, cui quantum tribuerit noster infra apparebit, desumpta esse, mihi probabile videtur; non enim semper quid ex vno alteroue petitum sit declarari potest. Minime enim *Posidonius* substitisse videtur in singularum regionum descriptione; sed cum rerum gestarum quas enarrauit theatrum omnis fere erat terra habitata, quatenus tunc cognita esset; non alienum putauit a proposito suo geographiae quoque vniuersalis, tum physicae tum mathematicae, praecepta exponere.

Enumeratis iam scriptoribus, quos Strabo libris duobus prioribus in manibus habuit, superest vt quantum vnique eorum tribuerit, et quale fuerit eius de iis iudicium doceamus.

---

2) p. 513.

3) p. 150.



Disputat autem de iis Libro Secundo; vbi hoc sibi in initio propositum habet, vt tabulam Geographicam Eratosthenis, vltimo operis eius libro subiunctam, quam Hipparchus iniquae admodum censurae subiecerat, examinet. Defendit autem Eratosthenem contra Hipparchum; qui vnice eum ex Patroclis auctoritate pependisse male contenderat. Multorum enim testimoniis vltum esse Eratosthenem; ipsius vero Patroclis auctoritatem minime leuem dici posse. Hipparchum autem ipsum in graues errores incidisse; tum in iis quae de terrae habitabilis et longitudine et latitudine dixerat; tum in definiendo locorum et regionum situ, quas iisdem parallelis subiectas esse putat; cum secundum eius placita Bactriana et Sogdiana vltra iam terrae habitabilis terminos ponendae forent; quod nemo, qui regionum illarum naturam nouerit, admittere possit <sup>4)</sup>. Copiosissimus autem est Strabo in hac Eratosthenis et Hipparchi comparatione; de qua iudicium sit apud mathematicos; nam altius in hanc disputationem descendere, alienum foret a consilio nostro.

Excipit autem hanc disquisitionem illa de Posidonii commentario de Oceano, supra iam a nobis commemorato <sup>5)</sup>. Examinat autem hic inprimis orbis terrarum per quinque Zonas diuisionem, a Posidonio institutam; eamque cum Polybii placitis confert. Hisce vero explicatis iam suam de terrae habitabilis magnitudine et forma sententiam proponit. Terram nempe cum mari globi formam habere, quod tamen non sensu strictissimo, sed qualis sensu percipitur intelligendum sit. Diuidi autem circulo aequinoctiali in hemisphaerium boreale et australe. Figuram autem terrae habitabilis, τῆς οἰκουμένης, chlamydiforem esse <sup>6)</sup>; latitudinem vero eius definiri duobus parallelis; quorum alter septentrionalis per Hiberniam transit; alter versus austrum

4) p. 120 etc.

5) p. 150 etc.

6) p. 179.

per regionem cinnamomiferam. Nam quae ultra hosce terminos sita sint, ob frigus atque ob aestum non amplius habitari. Subiungit praeterea dimensiones intervalloꝝ ex Eratosthene petitas, comparatione instituta cum iis quae ab Hipparcho, et Polybio tradita erant; quae tamen hic repetere alienum est, a proposito nostro.

## LIB. III.

## HISPANIA.

Expositis libris duobus prioribus Geographiae generalis locis; incipit a Libro tertio Chorographia, seu singularum regionum descriptio; quam sic instituit Strabo, ut primum in exponendis Europae terris ab occidente versus Orientem procedat, altero loco Asiae, ultimo denique Africae delineationem exhibeat. Primum itaque locum occupat *Hispania*, (qua simul Lusitania continetur); cui totum librum Tertium destinavit. Pendet autem hic Strabo omnino ex aliorum testimoniis; ipse enim Hispaniam non adierat. Quos itaque scriptores duces sibi elegerit, iam accuratius erit investigandum.

Primum ex his nominamus *Artemidorum Ephesium*; qui Ptolemaei Lathuri aetate floruit. Reliquerat vero opus *Ἰσπανίας* inscriptum; undecim libris Marciano Heracleota teste contentum <sup>7)</sup>. Frequens admodum Artemidori est apud nostrum mentio; ipse enim adierat Hispaniam; Gadibus enim se fuisse gloriatur; quamvis quae de solis occidentis sibi phaenomenis enarrauerat, non eiusmodi sint, ut fidei eius admodum augere possint <sup>8)</sup>. Quo tamen Straboni se commendauerat, illud erat, quod distantias locorum ac mensuras itinerum accurate annotauerat, in his enim fere vniꝰe testem eum adhibet. Si vero mensuras

7) Voss. de Hist. Gr. p. 143.

8) Strab. p. 201. 203.

a nostro ex eo enotatas contuleris, statim animaduertes raro eas ad mediterranea, sed plerumque ad littora ac insulas referri. Minime itaque dubium esse potest, opus hoc Artemidori fuisse *Periplum*; tum maris interni, tum vero Brythraei quoque ac sinus Arabici, (nam in hisce quoque regionibus ad Artemidori auctoritatem prouocat Strabo); ita tamen vt interiora quoque terrarum subinde annotaret.

Maiori tamen vsui fuit nostro in describendo Hispania *Posidonius*; in quo alterum habuit testem oculatum <sup>9)</sup>; nam praeter alias Europae occidentalis terras eum quoque Hispaniam adiisse, supra iam vidimus. Qui autem Strabonem attentius legerit, mox animaduertet, haud exiguan libri tertii partem ex Posidonio petitam esse. Pertinent ad haec quae de Gaditanorum nauigationibus, quae de metallis eorumque copia (quae tamen rhetorice amplificata esse a Posidonio annotat Strabo); quae de tributis cum pluribus aliis, magna quoque ex parte quae de victu, moribus et indole populorum Hispaniae legimus <sup>1)</sup>. Et haec quidem omnia desumpta sunt ex Historiis, occurrunt tamen nonnulla quoque, quae potius ex libro de Oceano hausta esse videntur. Ex hoc enim fonte profluxisse quae de accessu ac recessu maris tum diurno tum menstruo ac de Lunae in eos vi, (quam primo intellexit Posidonius) legimus, dubitari nequit <sup>2)</sup>. Ceterum eosdem fontes adiit Diodorus in iis quae libro V. de Hispania narrat; vnde non mirum, quod iam obseruarunt interpretes, eadem fere apud illum legi quae apud nostrum.

Post Posidonium nominandus est *Polybius*; tertius testis oculatus; nam is quoque Hispaniam visitauerat. Multa autem passim in libris Historiarum, tum in iis quae restant, tum in deperditis de Hispania tradiderat, quae inde excerpsit Strabo; in iis

9) p. 202.

1) p. 212 - 220.

2) p. 262.

praesertim quae de populis Hispaniae, eorumque victu et moribus enarrat <sup>3)</sup>; in quibus Polybio plus fere quam Posidonio tribuisse videtur; ita tamen ut quae sua aetate iam immutata essent, adnotare non negligeret.

Recensuimus hactenus eos auctores, quos in Hispania describenda Strabo duces sibi primarios elegerat. Accedunt ad hos nonnulli alii, quos non vbiuis, sed interdum tantum inspexit. Leuius admodum fuit apud eum in Hispaniae rebus *Ephori* auctoritas; semel eum tantum citat libro tertio, ut quae fabulosa tradiderat corrigat <sup>4)</sup>; omnino enim occidentis Europae plagas parum eum cognitatas habuisse. *Eratosthenem* quoque rerum Hispanicarum non admodum gnarum fuisse, libro iam secundo dixerat; cuius tradita corrigit ex *Artemidoro* <sup>5)</sup>. Semel, ubi Gades urbem describit, citat *Timosthenem* quendam <sup>6)</sup>. Fuit hic nauarchus *Ptolemaei Philadelphi*; ediderat vero decem libris opus de Portibus (*περί πορθμίων*), quod adeo ad periplos pertinuisse videtur <sup>7)</sup>. In gentium denique meridionalis Hispaniae descriptione consultaverat quoque *Asclepiadem* Myrleanum; (*Myrlea* Bithyniae oppidum); *Pompeii* aequalem; qui in *Turdetania* grammaticam docuerat, ac populorum Hispanicorum recensum instituerat <sup>8)</sup>; in quo id maxime sibi propositum habuisse videtur, ut eorum origines explicaret; quare, quae Strabo ex eo desumpsit, mythographum potius quam historicum vel geographum indicant. Addendus hisce est *Athenodorus* <sup>9)</sup>, de quo alio loco sermo erit. Ceterum singula loca annotare ubi Polybium, Posidonium, Artemidorem, Eratosthenem ante oculos habuit, otiosum foret, cum nomina eorum vbiuis fere addiderit.

3) p. 294. 215.

6) p. 205.

8) p. 236.

4) p. 202.

7) Voss. l. c. p. 110.

9) p. 262.

5) p. 221. 236. 237.

## LIB. IV.

## GALLIA ET BRITANNIA.

Quamuis Strabo Galliam non ipse inuifit, non tamen omnia ex libris fcriptis, fed multa quoque ex narrationibus eorum qui ibi vel mercaturam fecerant, vel magistratus gesserant, vel omnino ibi commorati fuerant, repetiit. Scripsit enim ea aetate, qua iam omnis Gallia in formam prouinciae Romanae redacta erat; ac cum moribus ac institutis lingua quoque Romana inualuerat. Minime itaque deerant, qui qualis tunc effet rerum Gallicarum conditio Straboni enarrarent; ac cum id proprie propositum fibi haberet, vt praesentem rerum statum explicaret, ex eorum traditiis suam descriptionem magna ex parte composuit. Supererant tamen alia in describenda regionum natura, ac indicandis urbium ac locorum distantis, quae ex monumentis fcriptis auctorum repetenda erant; quae tantum abfuit vt negligeret, vt in Galliae delineatione praeter eos, quos in Hispania confultauerat, alios adhuc adiret.

Primum autem inter hos locum occupat *Caesar*, in commentariis fuis de bello Gallico; quem statim in fronte, in diuifione Galliae in tres partes, testem affert Geographus <sup>1)</sup>; vnde eum praeter linguam patriam, Romanam quoque calluisse, fcriptaque Romanorum legiffe, concludere licet. Obloquitur quidem *Cassiodorus*, qui Strabonem Caesaris commentarios vel non inſpexiſſe, vel ſaltem non recte intellexiſſe contendit; in finibus enim Galliarum conſtituendis diſcedere eum a Caefare; quippe qui Galliam Barbaram ſeiungit a prouincia Romana ſeu Narbonenſi; quam Strabo, dum mari mediterraneo verſus meridiem Galliam dicit definiri, in ea comprehendit. Facile tamen haec permutare potuit Strabo; cum Caefar omnem Galliam in tres partes Celticam,

---

1) p. 267.

Aquitaniam et Belgicam diuidi dicat; Strabonis autem aetate, cum iam omnis Gallia prouincia Romana esset, diuisio in Barbaram ac prouinciam evanuisse. Ceterum, quamuis Strabo vnico tantum hoc loco Caesarem eiusque commentarios nomine ac titulo addito laudat, omni tamen dubio caret, cum illos non modo inspexisse, sed diligenter quoque legisse; liquidem nemo inficias ibit ea quae de Arduenna silua eiusque ambitu et magnitudine, tum quae de Belgis eorumque cum Caesare conflictu narrat, ex Caesaris commentariis desumpta esse <sup>2)</sup>; eadem enim plane Caesar ac iisdem fere verbis libro III. commentariorum suorum enarrat; quod comparatione instituta ibi iam ostenderunt interpretes. Quod ipsum quoque valet de Gallorum moribus et fortitudine, quae eadem libro II. commentariorum apud Caesarem leguntur.

Praeter Caesaris commentarios adiit vero noster in Galliae descriptione eosdem fere scriptores, quos supra in Hispaniarum Geographia nominauimus <sup>3)</sup>. Nam quae de fluuiis Rhodano ac Isara, eorum ostiis, ac regionibus interiacentibus habet, ex *Artemidoro* petita videntur. Bis praeterea citat *Posidonium* <sup>4)</sup>; toties quoque *Polybium* <sup>5)</sup>; quem sibi inprimis in Galliae Narbonensis seu Prouinciae Romanae descriptione, de qua nihil apud Caesarem, ducem elegisse videtur. Petita esse ex eo, quae de Ruscinone et Illiberi fluuiis habet, bene iam viderunt interpretes <sup>6)</sup>; praeterea vero multa alia. Polybius enim, cum, quod statim videbimus, Alpes accurate descriperat, regiones quoque adiacentes, eas maxime per quas Hannibal transierat, negligere non potuit.

2) p. 296. Praeclara ibi est Casauboni emendatio, qui post *εσπανισχιδίων* *σραδίων* addita vocula δὲ nostrum non a Caesare dissentire ostendit.

3) p. 282. 283.

4) p. 277. 284.

5) p. 275. 289.

6) p. 275.

*imo p. 282.*

Ex vno quoque alterone horum scriptorum ea derivata esse duco, quae de prisca Massiliensium reipublicae forma egregie exponit noster 7); nisi forte in iis *Aristotelis* opus *περὶ πολιτειῶν* ante oculos habuerit; quod alio loco, titulo addito laudat 8). Quidquid sit, ex gravissimo scriptore haec petita sunt; quae tamen de Massiliensium urbis sua aetate conditione, de Scholis ibi florentibus, ac litterariis institutis narrat, peregrinatorum, qui ibi commorati erant, narrationibus deberi, res ipsa docet.

*Ephoro*, quem semel citat 9), parum tribuisse nostrum in Europae occidentalis descriptione, supra iam vidimus. Mentio praeterea iniicitur *Timagenis* cuiusdam 1), qui de thesauris Tolosae inuentis, quae pars pecuniarum Delphis ablatarum fuerint, quas Caepio Romanorum dux abstulit, locutus erat; ac de Galliae rebus scripserat. Distinguendum esse hunc *Timagenem* ab Alexandrino rhetore, bene iam vidit *Vossius* 2); ceterum num idem fuerit cum historico, qui in *Afinii Pollionis* contubernio consenuit, ac linguae mordacitate ex amicitia *Augusti* excidit, de quo locutus sum in commentationibus in *Plutarchum*, in medio relinquo. *Afinium* certe *Pollionem* eiusque scripta non ignorasse videtur geographus 3); si modo idem est *Afinius* ex quo *Rheni* longitudinem enotavit 4).

Galliam excipit apud Geographum *Britannia* cum *Hibernia*. Brevis autem admodum est *Strabo* in insularum harum descriptione; quarum neutra sua aetate Romanis erat subiecta. Quod ad *Britanniam* attinet, constat inter omnes, duplici *Caesaris* expeditione eam primo Romanis quodammodo innotuisse; bella vero quibus

7) p. 270 etc.

8) L. VII. p. 495.

9) p. 304.

1) p. 287.

2) *Voss.* p. 153.

3) p. 294.

4) *Voss.* de *Hist. Lat.* p. 82.

in formam provinciae Romanae redacta fuit, cadunt demum in Claudii eiusque successorum tempora. Strabonis itaque de Britannia tradita vnice fere deriuata sunt ex *Caesaris* commentariis; eadem enim repetita legimus, quae illo libro V. de Britannia eiusque incolis retulerat. Accedebant tamen ad haec mercatorum narrationes; frequentia enim sub Augusti imperio Romania per Galliam commercia intercessisse cum Britannis; legatos quoque ad pacem firmandam ab iis Romam missos esse; seque ipsum nonnullos ex Britannia aduenas ingenti statura corporis praeditos Romae vidisse, refert Strabo <sup>5)</sup>. De *Hibernia* vero nihil se certi habere, quod dicat, ingenue profitetur; nisi quod auditu perceperit, incolas magis adhuc barbaros esse; ita ut carnibus quoque humanis vescantur; ac parentum mortuorum corpora comedant; quorum tamen fides sit penes auctores <sup>6)</sup>.

Subiungit hisce Strabo suam de *Thule* insula sententiam; quae omnium maxime versus septentrionem sita sit. Cetera omnia esse obscura <sup>7)</sup>. Vana itaque foret disquisitio ad quam terram seu insulam tradita eius referenda sint. Deprompta autem ea sunt vnice ex *Pythea*; cuius tamen narrationibus de terris borealibus ad quas nauigationem suscepit, nullam prorsus fidem habendam esse, ipse iam libro secundo monuerat <sup>8)</sup>. Pytheas vero, si vel maxime multa fabulosa tradidit, non tamen omnia confinxit; quod vel ex paucis fragmentis apparet, quae noster ex eo servavit. Cum enim Pytheas enarrat apud populos boreales, apud quos frumentum et mel sufficit, potum ex iis confici; porro messem et frumentum non in campis sub diu, sed intra parietes ac tecta, eum in finem constructa, perticis flagellari <sup>9)</sup>, quis non veritatis vestigia in hisce agnoscit?

5) p. 305.

6) p. 307.

7) p. 308.

8) p. 163.

9) p. 308.



Ab insulis hisce redit Strabo ad continentem; ac transitum ex Gallia in Italiam facturum, *Alpium* iuga, populosque ea incolentes describit. In hac vero *Alpium* descriptione vnicum sibi ducem elegisse videtur *Polybium*; ita tamen, ut quae sua aetate immutata essent, Romanorum iam ibi imperio fundato, de suo adderet. Polybius de Alpibus egerat libro *Historiarum* suarum perduto, XXXV; ex quo nonnulla tantum fragmenta supersunt. Quae haec continent legimus quoque apud Strabonem; qui iterata quoque vice *Polybium* testem nominat \*). Ipse autem Polybius, viam qua Hannibal eos superauerat inuestigaturus, visitauerat Alpes; earumque tam accuratam descriptionem reliquerat, ut meliorem ducem vix eligere potuisset Geographus.

## LIB. V. VI.

## I T A L I A.

Ex Gallia per Alpes transit Geographus in *Italiam*; cui duo integros libros, quintum et sextum destinavit. Italiam, ut supra ostendimus, Strabo ipse visitavit; excepta tamen parte superiori, Gallia nempe cisalpina ac Liguria. Describit itaque partim quae ipse viderat; non tamen se praesentem tantum Italiae conditionem explicare, sed antiquiora quoque attingere velle, ipse profitetur; quae adeo ex scriptorum commentariis haurienda erant. Inter scriptores vero, quos praecedentes sibi habuit, primum nominamus *Polybium*; qui in *Historiarum* libro secundo tum de Italiae forma ac ambitu in uniuersum, (ubi quoque nomine addito eum laudat <sup>1)</sup>); tum de Gallia cisalpina imprimis disputat; quem nostrum in iis quae primis capitibus libri quinti legimus, secutum esse, viderunt iam interpretes <sup>2)</sup>; ita tamen ut statum ac conditionem regionum et urbium, qualis sua aetate esset, simul

\*) p. 309. 318. 319.

1) p. 324. 325.

2) p. 322 Not.

subiungeret. In sequentibus quoque passim citat Polybium; velut in dimensionibus Etruriae <sup>3)</sup>, nec non magnae Graeciae <sup>4)</sup>; omnino enim in definiendis interuallis multum tribuisse videtur Polybio; cui in Italiae descriptione iungit quoque *Posidonium* <sup>5)</sup>, quem in Liguria descriptione laudat <sup>6)</sup>. Mox Etruscorum mentione facta inseritur mythus de eorum origine, quem legimus quoque apud Herodotum <sup>7)</sup>. Quae autem de Romanorum regibus, utroque nempe Tarquinio subiungit, conveniunt cum iis, quae copiosius narrat Dionysius. Digressionem tunc facit de Pelasgis eorumque ortu; quae partim ex *Ephoro* <sup>8)</sup>, partim ex *Attidum scriptoribus*, (de quibus in commentationibus in Plutarchum egimus); tum denique ex *Anticlide* desumpta sunt <sup>9)</sup>; qui primus Pelasgos loca Lemno et Imbro vicina obtinuisse, ac quosdam eorum cum Tyrheno in Italiam nauigasse tradiderat. Anticlides hic, semel tantum a Strabone citatus, quis fuerit, incertum est; si tamen idem est cum eo, quem Plutarchus in Alexandro laudat, constat saltem, eum post Alexandrum scripisse. Legebatur opus eius satis spissum *περί νόστων*, quo reditus heroum ex bello Trojano celebrauerat; et alterum *Δηλιακά* f. de rebus Deli insulae <sup>1)</sup>. Ex vno alteroue eorum Strabonis de Pelasgis tradita hausta esse, (in utroque enim iis locus esse potuit), certum videtur.

Ab hoc excursu redit Geographus ad Italiae, et primo quidem Etruriae, chorographiam. Consultavit in ea utique Polybium; quem in longitudine regionis definienda ab alia discedere tradit <sup>2)</sup>. Praeter Polybium tamen se non vnum alterumue, sed multos inspexisse, ipse testatur <sup>3)</sup>. Sunt ex his *Eratosthenes* et *Artemidorus*, quos corrigit <sup>4)</sup>; omnino enim quae de Etruria et

3) p. 339.

6) p. 335.

9) p. 339.

3) p. 338.

4) p. 371.

7) Herod. I, 94.

1) Voss. l. c. 322.

4) p. 342.

5) p. 329.

8) p. 337.

2) p. 339.

insula Aethalia tradit, non ex libris tantum, sed ex proprio conspectu hausta esse, facile lectori in oculos incurrit. Alia tamen est ratio insularum obiacentium, Sardiniae et Corficae, quas Geographus non ipse adiisse videtur. In insularum harum dimensione definienda prima vice citat *Chorographum* <sup>5)</sup>, saepius postea sub eodem titulo, nomine tamen nunquam addito, laudatum. Chorographus vero hic, quis fuerit, incertum est. Dilerte distinguitur ab Eratosthene, Polybio et Artemidoro <sup>6)</sup>, cuius insignis in mensuris terrarum apud nostrum est autoritas. Certum vero est, fuisse hunc chorographum non hominem graecum, sed Romanum; semper enim dimensiones non secundum stadia, sed secundum miliaria, seu milia passuum definitas inuenies. Citat autem eum Strabo vnice in Italiae ac insularum adiacentium descriptione. Mihi quidem admodum verisimile visum est, chorographum hunc neminem esse alium quam Vipsanum Agrippam, Augusti generum; qui non in rebus modo gerendis, sed scribendis quoque (commentarios enim rerum a se gestarum reliquerat); tum imprimis in geographia illustranda otium consumserat. Propositum enim ei fuisse legimus apud Plinium exhibere speciem orbis terrarum, imperii inprimis Romani, in porticu; siue tabulis ibi publice expositis, siue in ipsis parietibus; quam porticum post eius obitum a sorore eius inchoatam diuus Augustus ex designatione et commentariis Agrippae peregit <sup>7)</sup>. Reliquerat itaque Agrippa commentarios geographicos mensuras regionum et littorum accurate exhibentes; ex quibus plura in excerptis suis, ad Hispaniae, Galliae ac Italiae descriptionem spectantia, enotauit Plinius. Sunt ex his in Sicilia maxime insula, quae cum chorographi apud Strabonem distantis conueniunt, velut a Peloro promontorio ad Pachynum terrestri itinere <sup>8)</sup>; ac non amplius dubius

5) p. 349.

6) p. 401. 436.

7) Plin. III, 3.

8) Plin. III, 14. cf. Strab. p. 407. 408.

haererem, nisi essent aliae, in quibus numeri differunt. Errores tamen in hisce librariorum oscitantiae saepe deberi, nemo ignorat; quod num hic quoque euenerit, nam in re incerta nūl certi definire audeo, iudicium sit apud alios.

Etruscos excipiunt Umbri, ac Sabini, quorum sedes Strabo ipse inspexerat. Quae de mensuris harum regionum affert, ex *Artemidoro* ni fallor petita sunt, non ex chorographo; stadiorum enim mensura adhibita est in indicandis intervalis. De Sabinis tradit eos esse indigenas; eorum colonos Picentes et Samnites; horum Lucanos; Lucanorum denique Bruttios <sup>9)</sup>. Petita haec esse suspicor ex *Antiocho*; de quo statim sermo erit.

Quae de Latinorum origine, de Aeneae aduentu, de urbis Romae origine habet <sup>1)</sup>, conueniunt fere cum iis quae apud *Dionysium* ac *Linium* legimus. Ex auctoribus quos consultaverat duo tantum citat, *Fabium* scilicet *Pictorem*, ac *Caecilium*, rerum Romanarum scriptorem; qui nescio an idem fuerit cum *Caecilio Siculo*, Augusti aetate claro, qui testibus *Plinio* et *Atheneo* bellorum servilium historiam, ac praeterea commentarium de iis quae secundum vel praeter historiam ab oratoribus dicta sint, graece conscripserat <sup>2)</sup>. Attigisse eum quoque origines urbis, ex nostro clarum est, dum Romanos a Graecis ortos esse ex sacris eorum, Herculi factis, colligeret <sup>3)</sup>. Locus utique hisce esse potuit in alterutro scriptorum quae modo laudauimus.

In iis, quae *Geographus* versus finem libri quinti, ac in initio sexti de populis ac regionibus Italiae inferioris, seu magnae Graeciae habet, plurima ex iis quae ipse viderat fluxisse, lectio ipsa docet. Immiscet tamen multa de antiquitatibus ac originibus urbium ac gentium, ex diuersis scriptoribus petita;

---

9) P. 349.

2) Voss. p. 179.

1) p. 350 etc.

3) p. 352.

distantiae praeterea locorum ac mensurae diligenter annotantur. Quod ad hasce attinet desumptae hae sunt partim ex *Polybio*, partim ex *Artemidoro*, ambo enim nominat <sup>4)</sup>; ad chorographi auctoritatem non hic, sed in Sicilia demum prouocat. In populorum quoque cognatione vel diuersitate constituenda interdum sequitur *Polybium*; v. c. vbi de Ausonibus et Opicis sermo est <sup>5)</sup>. Multum eum quoque in rebus mythicis *Ephoro* ac *Timaeo* tribuisse, discimus ex iis quae de Cimmeriis ad locum Auernum, ac quae de Pitheculis disputat <sup>6)</sup>. Primum tamen inter hosce scriptores locum apud eum obtinet *Antiochus*. Fuit hic *Antiochus* Syracusanus; floruit vero circa Ol. 90; quadringentis fere ante Chr. natum annis; ac iure adeo antiquis scriptoribus annumeratur <sup>7)</sup>. Saepe eum citatum quoque inuenies apud alios scriptores, *Dionysium* inprimis *Halicarnasseum*, qui saepe ad auctoritatem eius prouocat. Reliquerat autem duo opera; alterum *Σίκουλα* inscriptum, alterum *Ιταλικά*, seu *Ιταλίας οἰκισμός*. Illud nouem libris fuisse digestum, ac inde ab antiquissimis temporibus, nempe a Cocalo Sicanorum rege vsque ad annum quo *Darius* *Nothus* apud Persas imperio potitus est, i. e. vsque ad annum 483 a. C. fuisse deductum, discimus ex *Diodoro* <sup>8)</sup>. In Italicis, quorum initium seruauit *Dionysius*: *Antiochus Xenophanis fil. conscripsit haec de Italia ex antiquis monumentis quae certissima ac fide dignissima visa sunt*, diligentiam inprimis exercuisse videtur in explorandis ac declarandis originibus urbium, coloniis maxime Graecorum in magna Graecia. Testem enim eum adhibet *Strabo*, vbi de antiquioribus vrbis *Elateae*, *Crotonis*, porro *Tarenti*, denique *Metaponti* fati agit <sup>9)</sup>. Hisce si addideris *Apollo-*  
dorum

4) p. 401.

6) p. 375 etc.

8) *Diod. L. XII.*

5) p. 371.

7) *Voss. p. 456.*

9) p. 388. 391. 395. 405. 406.

*dorum* Grammaticum, qui de catalogo navium commentarium composuerat, habes fere scriptores, quos in Italia describenda consultavit Geographus.

In insularum, Siciliae imprimis geographia, non minori diligentia versatus est. In mensuris distantiarum praeter *Posidonium* et *Artemidorum* consultavit iterum *Chorographum* <sup>1)</sup>, cuius tamen nomen hic quoque frustra quaeris. Comparavit eorum tradita; ubi differunt annotare illud non neglexit; in numeris tamen passim menda latere viderunt iam Casaubonus ac alii interpretes; quae sine meliorum codicum ope detergi nequeunt. Praeter dimensiones in declarandis quoque urbium originibus diligentiam exercuit, in quo praecedentes sibi habuit plures. Nominamus ex his primo *Ephorum*; qui urbium Sicularum *κτισεις* ex temporum ordine notasse videtur <sup>2)</sup>; Naxum enim et Megara primas omnium conditas esse scripserat. Sunt alia in quibus *Posidonium*, alia in quibus *Polybium* consultavit <sup>3)</sup>. Inspexit praeterea *Tinnaeum* in Historiis Siculis <sup>4)</sup>; ac ex antiquioribus *Hecataeum* <sup>5)</sup>. Neque vero poetas neglexit. Praeter Homerum enim laudat *Pindarum* in fabulis de Alpheo fluvio et Arethusa <sup>6)</sup>. Verum haec tantum in transcurso commemorat; longe grauiora sunt quae de statu insulae, qualis sua aetate esset, prodidit; quae tamen non talia sunt, ut de fontibus eorum disquisitio instituenda sit; quippe quae non ex aliorum testimoniis, sed ex iis quae ipse viderat, profluxerunt.

Claudunt librum sextum quae scriptor de extremis Italiae, Messapia ac Tarentinorum vrbe ac ditione, dicenda habebat. Quae de antiquitatibus Tarenti enarrat, ex *Antiocho* desumpta sunt <sup>7)</sup>;

1) p. 407. p. 408. 425.

2) p. 410 - 414.

3) p. 422.

4) p. 416.

5) p. 417.

6) p. 416.

7) p. 426.

quae de urbium ac locorum distantis ex *Polybio*, *Artemidoro* ac *chorographo*, quos non semper inter se convenire, ac ea quae veritati proxima sibi visa sint a se data esse, ipse annotat <sup>8)</sup>. In reliquis Strabonem non quae alii enarrauerant, sed quae ipse viderat exhibuisse, in oculos incurrit.

## LIB. VII.

## GERMANIA; ET EUROPA SEPTENTRIONALIS.

Expedita iam Italiae descriptione iterum transit Alpes Geographus; Germaniae iam ac omnis Europae septentrionalis expositionem incepturus; i. e. terrarum a Rheno versus orientem usque ad Tanaim fluviū et ostia Maeotidis paludis; versus meridiem autem iuxta utramque Istri fluvii ripam sitarum; ac gentium eas incolentium; quibus integrum librum septimum dedicavit. Agere itaque incipit de regionibus, quas nec ipse adierat, nec de quibus auditu multa acceperat; sed ubi omnia ex scriptorum commentariis haurienda erant. Aliam itaque prorsus esse rationem huius libri, quam eorum qui proxime praecesserant, si de fontibus quaeris, nec eosdem duces quos in illis sequi potuisse geographum res ipsa docet. Omnino autem se in tenebris potius quam in luce hic versari, ipse profitetur. Errantem vero eum iamprehendimus in Istri fontibus indicandis, quos ab intimo maris Adriatici recessu mille tantum circiter stadia abesse putat <sup>9)</sup>; ut suspicio oriri possit, Draui fluvii fontes eum pro illis Istri habuisse.

Incipit vero descriptionem suam a Germania ac Germaniae populis, Rheno fluviō a Celtis determinatis. Parum autem differre Germanos a Gallis, nisi quod feritate morum, corporis statura, ac flava coma excellant <sup>1)</sup>. In his et in sequentibus

8) p. 437.

9) p. 443.

1) p. 444.

dubitari nequit, eum bellorum Germanicorum scriptorem ante oculos habuisse; (hisce enim bellis innotuisse quodammodo Romanis Germaniam statim iam in libro primo professus erat<sup>2)</sup>; cuius tamen nomen nunquam addidit. Quos scriptores itaque in hisce sibi praeceuntes habuerit, incertum est; Caesarem enim hic omnino neglexit; fuisse potius videntur ex iis qui vel Tiberii ac Drusi in Germaniam expeditiones, (quas expresse commemorat<sup>3)</sup>; vel qui Marbodui, Marcomannorum regis, Romanorum socii, res gestas exposuerunt; nouit enim non Marcomannos tantum Bohemiae incolas, sed populos quoque vicinos, Quados, Sueuos, versus septentrionem vero Cimbro, Longobardos et Gothinos, siquidem emendationes nominum corruptissimorum Xylandri et Casauboni admittere velis<sup>4)</sup>. Inuidit nobis fortuna, si Caesarem ac Tacitum exceperis, rerum Germanicarum scriptores; cum scriptis interiere quoque magna ex parte nomina; quid itaque mirum, si multa nos nescire profitendum sit? Citauerat vero Strabo libro iam secundo Asinium, qui Rhenum adeoque Germaniam descripserat; unde suspicio oritur, eundem ipsi hic quoque ducem fuisse. Nouimus autem duo scriptores huius nominis; primum Augusti aequalē ac familiarem, Asinium Pollionem, qui historiam bellorum ciuiliū condiderat; alterum Asinium Quadratum, quem tamen duobus fere saeculis Strabone esse iuniorem, bene iam annotauit Vossius<sup>5)</sup>. In enarratione bellorum ciuiliū vix tamen Germaniae res attingere potuit Asinius Pollio; quare num proprium de iis scripserit commentarium, an vero tertius supersit Asinius, ceteroquin ignotus, in medio relinquo. Quidquid sit, illud certum manet, bellorum Germanicorum scriptorem Strabonem sibi ducem elegisse; iisdem enim finibus circumscripta est eius de

2) L. I. p. 20.

3) p. 444. 448.

4) p. 445.

5) Voss. de Hist. Latin. p. 82.

1. Junc. forquarto. p.  
192. C. A.



Germania narratio, quibus continebantur bella Romanorum. Regiones enim quae trans Albin fluvium vsque ad maris Caspii fauces, (quod pro sinu Oceani Borealis habebat); sitae sunt, (in quas Romani arma non intulerunt); plane ignotas esse, ingenue profitetur; non enim se compertum habere quemquam littora illa praeternaugasse, aut terrestri itinere perlustrasse <sup>6)</sup>.

Intelligenda haec tamen sunt tantum de terris septentrionalibus; nam quae magis versus austrum iuxta Danubium et Pontum Euxinum sitae erant, minime ignoravit. Novit enim gentes ibi habitantes, Cimbros, Getas, Scythas, vsque ad Roxolanos; supra vero Roxolanos omnia esse incognita <sup>7)</sup>. Quos autem scriptores hic sibi habuerit praeuantes, non admodum obscurum est. Fuere enim hi *rerum Cimbricarum auctores*; inter quos primum locum occupat *Posidonius*. Ex hoc enim scriptore, quem nomine quoque addito citat <sup>8)</sup>, omnia desumpta esse, quae de Cimbris, de eorum sedibus in Chersoneso Taurica, ac expeditionibus narrantur, dubium prorsus esse nequit. Accedunt ad hos *Historici bellorum Mithridaticorum*; ex quibus quae in sequentibus de Chersoneso Taurica ac quae ei adiacent regionibus habet Strabo, petita sunt. Eminent autem inter hos quoque *Posidonius*; cuius Historias vsque ad finem bellorum Mithridaticorum deductas fuisse, alio loco docuimus. Posidonio itaque deberi <sup>9)</sup>, quae Strabo de terris illis narrat, tantum non omnia, pro explorato habeo. Quae enim *Ephorus*, quem semel hic citat <sup>1)</sup>, de terris illis tradiderat, ad sola fere poetarum commenta redire, ex ipso Strabone apparet. Reliquos, quos laudat singulis tantum locis inspexisse videtur. Est ex his *Apollodorus Grammaticus*, qui commentarium in Catalogum navium composuerat, quem frustra contendit Homerum accusasse quod

6) p. 451. 452.

7) p. 471.

8) p. 453.

9) cf. p. 474.

1) p. 463.

Scythas ignorauerit <sup>2)</sup>); ac *Ptolemaeus* praeterea *Soter*, historiae Alexandri scriptor, in lepida narratione de Gallorum seu Celta-  
rum ad Alexandrum, cum apud Triballos versaretur, legatione, qui quid maxime timerent? interoganti, nihil aliud responderunt, quem quod coelem ruat <sup>3)</sup>). Ad scriptores rerum Mithridaticarum pertinuisse quoque videtur *Apollonides* <sup>4)</sup>), quem semel in hoc libro, iterata vice in Armeniae descriptione, citat; ac ni fallor quoque *Hypsicrates* <sup>5)</sup>), siue is Amisenus fuerit, siue alius, quem L. XI. regionum ad Caucasum admodum gnarum fuisse, dicit.

*Sc. Soteri, Lay. f. 1*

Vltima libri septimi pars destinata est a Geographo descriptioni Illyrici ac regionum ad Danubium ac in occidentali Ponti littore sitarum. Insigni autem diligentia versatus est in hac geographiae suae parte; fontes quos adiit in vniuersum quidem non obscuri sunt; difficilis tamen est quaestio si ad singula descendis. Sunt plura vbi ea tantum enarrare videtur, quae ipse viderat; velut quae de viis habet, quas Romani ibi strauerant <sup>6)</sup>); sunt alia quae ex scriptoribus hausta sunt; non vno alteroue, sed pluribus <sup>7)</sup>). Est ex his *Aristoteles*, in opere deperdito de ciuitatibus; in quo Acarnanum, Megarensium, Aetolorum ac Opuntiorum quoque respublicas descriptas fuisse, ex nostro discimus <sup>8)</sup>). Magna tamen hic quoque apud eum fuit *Polybii* auctoritas <sup>9)</sup>), in primis in indicandis mensuris; magna quoque *Rosidamii* <sup>1)</sup>); sed quid alterutri debeat non semper definire licet. Quae de gentibus Epiri narrat, ex parte saltem ex *Theopompo* desumpta sunt <sup>2)</sup>); quae de rebus mythicis ex *Ephoro* <sup>3)</sup>). In disquisitione de Dodona eiusque oraculo praeter Ephorum consultauit *Philochorum*, rerum

2) p. 832.

5) p. 479.

8) p. 495.

2) p. 498.

3) p. 462.

6) p. 497.

9) p. 481. 488. 497.

3) p. 501.

4) p. 474.

7) p. 482.

1) p. 487.

Atticarum scriptorém <sup>4)</sup>, cum *Apollodoro* grammatico, Homeri interprete <sup>5)</sup>. Addit hisce adhuc *Cineam*, de quo nil praeter nomen constat <sup>6)</sup>; quae enim ex eo enotauerat, cum reliquis, quae finem libri huius constituebant, interiere.

## LIB. VIII. IX. X.

Tres hosce libros Geographus destinavit Graeciae descriptioni; eosdem fere in omnibus duces secutus. Agit vero libro octauo de Peloponneso; libro nono de Attica, ac reliquis mediae Graeciae regionibus cum Thessalia; libro decimo denique de Epiro ac insulis adiacentibus. Fundum autem omnis huius disquisitionis ponit *Homerum*; hunc enim primum Graeciae geographiam exhibuisse <sup>7)</sup>; ac tantam esse eius prae ceteris auctoritatem, ut ab eo semper ordiendum sit. Descendit itaque ad antiquitates Graeciae, quas simul ex historicorum traditis, qui eas vel geographice ut *Ephorus* ac *Polybius*, vel physice, ut *Posidonius* et *Hipparchus* tractauerant, vel ut *Artemidorus* et *Timosthenes* seorsim de littoribus ac portibus egerant, illustrat; in subsidium simul vocatis Homeri in catalogum nauium interpretibus <sup>8)</sup>. Quae autem de praesenti Graeciae statu addit, ex iis hausta sunt, quae ipse viderat. Praemissis itaque in fronte libri octauo nonnullis de stirpibus Graecorum ac de terminis Graeciae, in quibus definiendis *Ephorus* sequitur <sup>9)</sup>, ambitus Peloponnesi tum secundum *Polybium* tum secundum *Artemidorem* constituitur. Dum autem ad singula pergit, incipit ab Elide; adducit loca Homeri eo spectantia; ex interpretibus saepius nominat *Apollodorum* ac *Demetrium Scepsium*; quos subintelligendos quoque puto, ubi nominibus non additis in vniuersum tantum, esse qui hoc vel illud opinentur, pronuntiat. Vbi vero tempora mythica attingit,

4) p. 505.

7) p. 512.

5) Ibid.

8) Ibid.

6) p. 507.

9) p. 515.

aliorum quoque poetarum, velut Pindari, Antimachi, Sophoclis, Stesichori et Callimachi testimonia affert <sup>1)</sup>. In rebus tamen mythicis hic quoque insignis apud eum est Ephori autoritas; cuius integram narrationem de Elidis occupatione ab Aetolis facta recepit <sup>2)</sup>. Ex eodem fonte profluxerunt, quae de antiquo Messeniae statu, ac de bellis Messeniis narrat <sup>3)</sup>, in subsidium tamen vocatis Philochoro ac Callisthene <sup>4)</sup>, qui in Hellenicorum libris haec tractauerat. Ex Ephoro porro desumpta sunt, quae de Peloponnesi diuisione ab Heraclidis facta <sup>5)</sup>, magna quoque ex parte quae de Spartanorum republica legimus <sup>6)</sup>. Ex reliquis, quos in Peloponnesi descriptione consultauit, nominandi sunt Hellanicus, Demetrius Scepsius, Theopompus, Thucydides <sup>7)</sup>, et passim quoque Aristoteles <sup>8)</sup> in opere supra laudato de ciuitatibus. Addendus autem hisce est Polybius, ex quo quae de Achaici foederis forma ac institutis legimus, petita sunt <sup>9)</sup>. In definiendis autem interuallis locorum comparauit cum eo Artemidorum ac Eratosthenem <sup>1)</sup>.

Sequitur libro nono primum Attica; cuius dimensiones ex Eudoxo, Mathematico, repetit <sup>2)</sup>. In antiquitatibus terrae consultauit Atthidum scriptores; discedere quidem eos a se inuicem in nonnullis <sup>3)</sup>; in plurimis tamen conuenire. Laudantur ex iis nomine addito Philochorus et Andron <sup>4)</sup>; quem eundem esse cum Androtione, a Pausania et aliis saepius laudato, suspicati iam sunt interpretes. Ex Philochoro tamen petita sunt, quae de initiis ciuitatis Atheniensium habet <sup>5)</sup>. Inspexit quoque Demetrii

1) p. 534.

4) p. 557.

7) p. 568. 572. 575.

1) p. 597.

4) p. 601.

2) p. 547 etc.

5) p. 560.

8) p. 572. 584.

2) p. 598.

5) p. 609.

3) p. 554.

6) Ibid.

9) p. 591.

3) p. 600.

*Phalerei* de vrbs Athenarum statu, qualis sua aetate esset, commentarios <sup>6)</sup>. Quae mox de Boeotia, eius historia et antiquitate tradit, partim quidem desumpta sunt ex *Ephoro* <sup>7)</sup>; maxime tamen, quod ipse proficitur, ex iis, qui in catalogum Homeri, i. e. est *Apollodoro* et aliis, commentati sunt, <sup>8)</sup>. Post Boeotiam sequitur Phocis cum Parnasso, in quo vrbs et oraculum Delphicum. Plura de eo tradit Geographus, magna ex parte desumpta ex *Ephoro*; quo se in antiquitate explicanda prae aliis vti solere, ipse hic proficitur; etsi eum simul reprehendit quod fabulosa nimis miscuerit veris; ac mythica non satis distinxerit <sup>9)</sup> ab historicis. Eosdem duces sequitur in describenda duplici Locrorum ciuitate; *Theopompo* tamen iterum et *Thucydide* in subsidium vocatis <sup>1)</sup>. Ultimam vero libri partem occupat Thessaliae chorographia; quam fere commentarium dixeris in Homeri loca, vbi de Thessalis agit; ratione semper habita interpretum, qui in ea commentati sunt.

Reliqua Graeciae continentur libro decimo. Orditur autem Geographus ab Euboea insula. In dimensionibus consentit fere cum Plinio; in antiquitatibus insulae explicandis plures consultaui <sup>2)</sup>; Homeri nempe interpretes; tum vero *Theopompum* ac *Aristotelem* in libro supra laudato. Ab Euboea insula transit in continentem; sequitur enim Acarnaniae ac Aetoliae descriptio, ac insularum obiacentium. Sunt haec fere omnia Homerica. Laudatur praeterea poeta Epicus qui Alcmaeonidem conscripserat <sup>3)</sup>, quem in nonnullis secutus erat Ephorus. *Apollodorum*, *Demetrium Scepsium*  
cum

6) Ibid.

7) p. 614. 615. 616.

8) p. 637.

9) p. 646. 647.

1) p. 648. 649.

2) p. 682. 683. 685.

3) p. 695.

cum *Artemidoro* saepius citatos inuenies <sup>4)</sup>. Acarnaniae autem antiquitates dum tractat, longa interponitur *Ephori* commentatio, qui Acarnanēs expeditioni contra Ilium adfuisse negauerat <sup>5)</sup>. Ex eodem autem scriptore quae de prisco Aetoliae statu legimus, deriuata sunt <sup>6)</sup>. Omnino autem hac occasione oblata Strabo suum de Ephoro iudicium exponit; quem quidem a Polybio taxatum esse, quod in nonnullis errauerit; Polybium tamen eandem ob causam reprehensum esse ab Apollodoro et Posidonio; maxime ob distantiarum rationes <sup>7)</sup>. Hisce vero scriptoribus cum Strabo ipse prae aliis vsus sit, veniam sibi dandam esse a lectoribus, si forte cursu iis in errores inciderit. Ex Aetolia autem, dum transitum parat in Cretam insulam, longum interponitur de Curetibus episodium a Geographo <sup>8)</sup>. Ingentem hic esse auctorum, qui de rebus Creticis et Phrygiis scripsere, dissensum; vnde multos a Strabone consultatos esse, clarum est. Copiose de Curetibus egerat *Demetrius Scepsius*; cui cum multum omnino tribueret Strabo, hic quoque insignis apud eum eius videtur fuisse auctoritas <sup>9)</sup>. Ex reliquis laudat *Archemachum*, rerum Euboeicarum scriptorem <sup>1)</sup>; saepius Athenaeo commemoratum; *Pherecydem Syrum*, *Acusilaum Argium* <sup>2)</sup>, qui Hesiōdi mythos pedestri oratione exposuerat; ac *Stesimbrotum* Thasium, Polycratis aequalem; qui in commentario *περὶ τελετῶν* de Curetibus egerat <sup>3)</sup>. Nec poetarum, Pindari, Sophoclis, et aliorum commenta neglexit. Vltima pars libri complectitur maris Aegei insulas; vbi primum de Creta, tunc de minoribus agitur. Princeps rerum Creticarum scriptor erat *Soficrates*; quem Apollodorum,

4) p. 696. 700. 705.

5) p. 709. 710.

6) p. 711.

7) p. 712. 713.

8) p. 715 etc.

9) p. 724.

1) p. 713. cf. Athenaeum VI, p. 264. vbi liber tertius citatur.

2) cf. Voss. p. 5.

3) Voss. ibid.

(gramaticum nempe) in commentario in Homerum secutum esse, testatur Strabo <sup>4)</sup>; vnde non miraberis, si magna eius apud eum fuerit auctoritas. *Eudoxi* tamen simul, *Artemidori*, ac *Hieronimi* (Cardiani nempe, successorum Alexandri M. historiographi) mensurae afferuntur <sup>5)</sup>. Additur his *Staphylus Naucratis*, cuius Thessalica quidem ac Aeolica aliunde cognita sunt <sup>6)</sup>; de Creta, num proprium commentarium composuerit, incertum est. Copiose quoque de Creta scripserat *Ephorus*; ex quo, ipso Strabone teste, quae de Cretensum republica habet excerpta sunt <sup>7)</sup>. Insulas maris Aegaei, seu Cycladas, enumerauerat *Artemidorus*; egisse autem de iis videtur quoque *Demetrius Stepsius* <sup>8)</sup>. Ceterum cum Strabo ipse insulas hasce visitauerat, quae de iis commemorat non ex aliorum traditis, sed potius ex iis quae ipse viderat, fluxere <sup>9)</sup>.

4) p. 727.

7) p. 735.

5) Ibid.

8) p. 743. 749.

6) Voss. p. 416.

9) p. 743.

---

DE  
FONTIBUS GEOGRAPHICORUM STRABONIS  
COMMENTATIO ALTERA

AUCTORE  
A. H. L. H E E R E N.

---

PRÆLECTA IN CONSENSU REG. SOCIETATIS AD D. X. AUGUSTI  
MDCCCXXII.

---

**E**xpositis a me, Sodales, pro virili in priore commentatione fontibus, quibus Strabo decem prioribus libris Geographiae suae usus est, restat iam altera pars, quae disputationem de septem reliquis libris continebit. Egerat autem Geographus, praemissa libro primo et secundo disquisitione de geographia generali seu cosmographia, inde a libro tertio usque ad finem decimi de Europa eiusque regionibus. Superfunt itaque ex terrae partibus sua aetate cognitae, Asia atque Africa; de quibus nunc loquendum erit. Repetenda autem hic sunt, antequam ipsum examen instituam, quae in priori disputatione monui, scilicet non omnia apud Strabonem ex libris desumpta esse; pendere eum haud raro ab auctoritate peregrinatorum suae aetatis, quorum traditis fidem habuit; inprimis autem, cum ipse, antequam opus suum scribere inciperet, longa itinera instituerit, permulta, ac in pluribus locis tantum non omnia fluxisse ex iis, quae ipse oculatus testis observauerat. Quod itaque a me postulari potest, primo loco illud erit, ut bene distinguam quae ipse viderat; quae porro ex peregrinatorum, quos adiit, narratis, quae denique ex libris



quos euoluit, desumta sint, seu desumta esse videantur; tum vero vt de autoribus hisce instituat disquisitio, vt qui fuerint, et quae fides ipsis tribuenda sit, appareat. Sequemur autem ordinem librorum.

## LIB. XI.

Incipit ab hoc libro Asiae descriptio. Diuiditur autem omnis Asia a Geographo in duas partes; scilicet in eam quae *intra* Taurum, et eam quae *extra* Taurum sita est <sup>1)</sup>. Taurus enim, ab occasu versus ortum porrectus, Asiam, Straboni cognitam, mediam fere, cinguli instar, diuidebat; latitudine trium fere millium stadiorum; longitudine, inde a continenti Rhodo opposita, vbi incipit, vsque ad extremitates Indiae ac Scythiae orientalis, quadraginta quinque millium stadiorum; in quo Eratosthenem sequitur <sup>2)</sup>. Incipit autem Taurus in australi Asiae minoris ora, Pisidia nempe et Cilicia; quare ea pars Asiae quae *intra* Taurum dicitur, omnes complectitur Asiae regiones Tauro versus *arctum*; quae *extra* Taurum, reliquas ipsi versus *austrum* sitas; quae in ipso Tauro, ac mediis montibus iacent, ob aeris similitudinem, cum frigidiora sint, septentrionali parti adiunguntur. Asiae atque Europae terminum ponit Tanain fluium <sup>3)</sup>, cum Eratosthene et aliis; reliqua Asiae, si isthmum, qui mare internum a sinu Arabico determinat, exceperis, oceano cinguntur. Omnis autem Asia intra Taurum in quatuor partes diuiditur <sup>4)</sup>; quarum prima continet regiones quae inter Tanain Maeotim et Pontum, et mare Caspium sitae sunt; altera, quae supra Caspium mare ac Scythas Indis propinquos; tertia, quae isthmo inter mare Caspium et pontum, seu Caucaso, versus meridiem iacent, Mediam nempe Armeniam ac Cappadociam vsque ad Halyn fluium; quarta de-

1) Strabo l. XI. p. 751. Almelov.

3) L. XI. p. 752.

2) Strabo l. II. p. 119.

4) l. c. p. 753.

nique Asiam minorem intra Halyn cum insulis adiacentibus, de quibus itaque iam singulatim videndum erit. Continetur autem omnis haec disputatio apud nostrum totidem libris; inde nempe ab undecimo vsque ad finem decimi quarti.

Incipit itaque a Tanai fluuiio; cuius ostia quidem cognita esse; superiora parum explorata; fontes plane obscuros. Certiora iam tradiderat Herodotus <sup>5)</sup>; qui Tanain ex lacu provenire docuerat; ac Scytharum gentes, ripas eius accolentes, enumerat. Dubitationem scilicet mouerant geographo recentiorum commenta; qui de Tanais cursu longe diuersa tradiderant; cum essent, qui eum, a Caucasii montibus ortum, primum versus septentrionem ferri, indeque retro labentem in Maeotin exire; alii qui eum e superioribus Istri fontibus descendere contenderent <sup>6)</sup>. Sequitur accurata littoris, tum Maeotidis, tum Ponti vsque ad Phasin fluuium, urbiumque ibi conditarum, ac commerciorum quae exercebant, descriptio; quae quidem omnia, nisi forte ipse Strabo, loca ea adierit, ex nautarum potius ac mercatorum, quam ex scriptorum traditis hausta esse puto. Interiecta enim est quoque rerum sua aetate in locis illis gestarum narratio; velut de Polemone rege <sup>7)</sup>, qui urbem Tanain vastauerat. In distantiarum seu intervallo-  
rum mensura autem *Artemidorum* secutus est; qui omnem hanc oram inde a Batis vsque ad Dioscuriadem urbem emensus erat <sup>8)</sup>.

Excipit hanc littoris ac urbium in eo sitarum enumerationem, regionum in ipso Caucaso, Iberiae nempe et Albaniae descriptio. Includitur Iberia secundum nostrum Caucasii montibus; bene est habitata; aedibus et pagis abundat; in medio planities est, fluuiis irrigua; quorum maximus est Cyrus, qui in mare

5) Herod. IV, 57.

7) p. 758.

6) Strab. VI, p. 754.

8) p. 760.

Caspium sese exonerat; ab altera autem parte Phasis fluuius, qui in Pontum exit <sup>9)</sup>. Cursum horum fluuiorum; additis quoque nominibus eorum qui in eos incidunt, describere non neglexit. Populi quoque instituta exponit; quatuor nempe esse liberum genera <sup>1)</sup>; nobiles, ex quibus reges deliguntur; sacerdotes; milites cum agricolis; et quarto denique loco infimae sortis homines, ad seruitia depressos. Post liberos de Albania eiusque incolis agit. Abundare eam fructibus et plantis omnis generis; bene esse irrigatam; melius quam ipsa Babylonia ac Aegyptus <sup>2)</sup>. De populi quoque moribus, cultu, institutis et belli et pacis, plura legimus. Quae quidem omnia, vnde petita sint, satis luculenter prodidit Strabo. Primum enim, quod ad interualla urbium ac stationum attinet, consultauit *Artemidorum*; ex quo nomine addito, quae de ordine legimus, quo urbes ac gentes illarum regionum sese excipiunt, depromta sunt <sup>3)</sup>. De Artemidoro eiusque Geographiacis, quae periplum fuisse ostendimus, etsi passim quoque mediterranea attigerat, in priori commentatione actum est. Maiorem tamen fidem quam Artemidoro ac Eratostheni in his locis adhibendam esse *rerum Mithridaticarum scriptoribus* <sup>4)</sup>, qui ordine paulum diuerso populos ibi habitantes descripserant. Cum enim Mithridates regiones illas peruagatus esset, Pompeius autem eum persequendo arma iis intulisset, non immerito auctoritatem horum scriptorum prioribus praeferendam duxit.

Quod ad scriptores rerum Mithridaticarum attinet, supra iam in priori commentatione eos recensuimus; sunt enim hi qui Luculli et Pompeii maxime res contra Mithridatem gestas enarrauerant. Eminent inter hos *Theophanes Mitylenaeus*, Pompeii comes simul et laudator; quem inter primos aetatis suae

---

9) p. 764.

3) p. 760.

1) p. 765.

4) l. c.

2) p. 766.

historiographos ponit Strabo <sup>5)</sup>. Petita ex eo esse non dubito quae de claustris, per quae Pompeius et Canidius in Iberiam penetrauerant, legimus <sup>6)</sup>. Praeter Theophanem tamen certum est, adhibuisse Strabonem *Posidonium*; in iis maxime, quae de populorum moribus, institutis ac religionibus habet; quae semper accurate et copiose persequi solebat Posidonius <sup>7)</sup>. Addendi vero his sunt duo alii, apud nostrum commemorati; *Metrodorus* scilicet *Scepsius*; et *Hypsicrates Amisenus*. Metrodorus Scepsius, e philosopho in ciuilem mutatus hominem, Mithridati inter comites fuit et amicos, ac a rege ad summos honores euectus; iudicis enim supremi, a cuius sententia ne ad regem quidem liceret prouocare, officio eum praeposuit; legatum praeterea ad Tigranem Armeniae regem misit; vbi tamen fide fracta ab eo defecit; scripsit vero periegesin, seu orbis descriptionem <sup>8)</sup>. Hypsicratem, qui descriptionem isthmi inter Pontum ac mare Caspium reliquisse videtur, libro iam septimo commemorauerat nos; qui num idem fuerit cum eo quem inter longaeuos recenset Lucianus, in medio relinquo <sup>1)</sup>; de utroque autem recte indicat Strabo eos locorum non ignaros fuisse, cum Hypsicrates ex vicina Amiso vrbe ortus esset, Metrodorus autem, Mithridatis comes, ipse ea inspexisset.

... In regionibus, quas Strabo hic describit, sedes quondam fuerat Amazonum, si poetarum commentis fides habenda; quare agere de iis in excursu non alienum duxit a proposito <sup>2)</sup>. Occasionem nempe praeberat Hypsicrates modo commemoratus, qui Amazonas Gargarensis confines fuisse, ac in radicibus Caucaasi

5) l. XIII. p. 918.

6) p. 765.

7) Desumpta certe sunt ex scriptore belli a Pompeio gesti cf. p. 768.

8) p. 769.

9) Voss. de Hist. gr. p. 136.

1) cf. de eo Voss. p. 516. vbi male pro Strabone legitur Polybius.

2) p. 770 etc.

habitaſſe, aſſeruerat. Quae autem proxime ſequentur de Amazonibus ex hoc Hypſicratis ſcripto petita eſſe, dubitari nequit, arctiſſime enim coniungitur earum cum Gargarenſibus hiſtoria, quibus ille eas confines poſuerat. Ceterum non ſine cauſa miratur Strabo, fabulam de Amazonibus apud hiſtoriae quoque ſcriptores tam diu locum obtinuiſſe. Debetur hoc autem maxime rerum Alexandri M. ſcriptoribus; qui, veris fabuloſa admiſcentes, eas congreſſu eius cum Thaleſtri Amazonum regina exornare, non dubitauerant. Fuit ex his Clitarchus, levis fidei ſcriptor, de quo in commentationibus in Plutarchum egimus, cum multis aliis. Quid tamen mirum, cum bellorum Mithridaticorum ſcriptores eam adhuc repetierint? vt Strabo ſua aetate, *ἐτι καὶ νῦν*, eam vigere dicat <sup>3)</sup>. Ex Plutarcho enim diſcimus Pompeii quoque laudatores tradidiſſe, in pugna cum Albanis Amazonas hiſce auxilium tuliſſe; cum enim milites praedam colligerent, multas repertas eſſe in ea peltas, quas Amazones geſtaſſe dicuntur; nulla tamen feminarum corpora <sup>4)</sup>. Fabuloſas quoque de Caucaſo narrationes, quas aſſert Strabo, ex Clitarcho et aliis eiſdem farinae ſcriptoribus depromtas eſſe, non dubito; ſaniora tamen quae iſis ſubiungit de Caucaſi populis Mithridaticis iterum ſcriptoribus debentur, ſive Theophani, ſive Poſidonio; quod clarum eſt ex iis, quae de Pharnace, qui Boſpori illa aetate regnum obtinebat, commemorat <sup>5)</sup>.

Deſcriptis regionibus et gentibus Caucaſi, pergit ſcriptor ad eam partem Asiae intra Taurum; quae mari Caſpio verſus orientem eſt. Incipit autem ab ipſius maris Caſpii deſcriptione. Hic autem eſt quod miremur, falſam prorsus de maris huius natura

3) p. 770. 771.

5) p. 772.

4) Plutarch. in Pompeio Op. l. p. 638.

natura opinionem geographum concepisse, cum illud non pro lacu, sed pro sinu Oceani borealis haberet. Meliora certe hic quoque docere potuisset Herodotus, qui non maris huius tantum indolem, sed ambitum quoque, longitudine eius et latitudine satis accurate constituta, cognitum habebat <sup>6)</sup>. Quomodo igitur factum sit, ut Strabo in hunc errorem incidere, iure quaeritur. Obtinuit tamen haec sententia post Strabonis quoque aetatem; repetitam enim eam inuenies apud Plinium <sup>7)</sup>; etsi Diodorus Siculus veriora prodiderat <sup>8)</sup>. Debetur autem, quantum inuestigare potui, Alexandri M. comitibus. Ante enim huius regis tempora apud neminem eam deprehendi; quid? quod ipse adhuc Aristoteles in Meteorologicis veram eius figuram indicat; coniunctum esse ab Oceano, ac circumquaesque accolae habere <sup>9)</sup>. Alexander vero, cum in interiora Caucaei non penetraret, accurata quoque maris Caspii notitia expeditione eius non potuit parari. Quare non admodum mirum, comites eius meris coniecturis indulsisse; ac cum ex Indico mari sinum in continentem Asiae incurrere viderent, Persicum nempe, boreale quoque Asiae latus sinu non carere credidisse; adeoque mare Caspium pro sinu hoc boreali habuisse. Fieri inde debebat, ut spatium illud, quod inter mare Caspium et Oceanum borealem iacet, vel nullum, vel omnino minus crederent, quam reuera est, eodemque modo orientalem Asiae partem in breuius contraherent. Accessit forte praeterea turpe adulandi studium. Cum enim magna pars Asiae, quae inter Tanaem et Oceanum est, Macedonibus non pareret, quodammodo conficere studuerunt, ut saltem fama iacteret, non esse ibi regiones, quas armis subigere operae pretium fuisset. Fuere quoque qui contenderent, paludem Maeotici cohae-

---

6) Herod. I, cap. 203.

8) Diod. II, p. 261.

7) Plin. VI, 15.

9) Aristotel. Meteorol. II, 1.

rere cum mari Caspio. Fuit ex his *Polycletus Larissaeus* <sup>1)</sup>, incertae aetatis, qui opere satis spisso, librum enim octauum laudat Athenaeus <sup>2)</sup>, historiam Alexandri descripserat. Tantum itaque abfuit, ut Alexandri expeditione terrae illae magis e tenebris emergerent, ut potius altius iis obducerentur. Quis primus ex scriptoribus mare Caspium sinum Oceani dixerit, definire non audeo. Fuit tamen ex iis *Patrocles*, cuius summa apud Strabonem est auctoritas. Si Plinium audimus, *Patrocles* mendaciorum faber fuisset. Scripsisse enim eum perhibet, se cum Seleuco et Antiocho, quorum classi praefectus fuit, Asiam versus orientem circumnavigasse, et in maris Caspii recessibus ancoras iecisse <sup>3)</sup>. Sed meliora de eo tradit Strabo. Eum nempe, cum ab Antiocho et Seleuco Asiae superiori praefectus fuisset, regionum istarum descriptionem confecisse, fide dignissimam; simulque coniectura ductum in eam opinionem incidisse, mare Caspium, quod ponto Euxino aequale putabat, sinum Oceani esse, adeoque ex eius faucibus Indiam *navigari posse* <sup>4)</sup>. Hisce itaque scriptoribus in errores quoque inductus est Strabo; a quibus securus mansisset, si Herodoto debitam fidem praestitisset. Verum eius iudicio facilius quis Homero ac Hesiodo fidem adhibuerit, ubi de heroibus loquuntur, quam Herodoto, Ctesiae et Hellanico <sup>5)</sup>. De Ctesia et Hellanico hic non loquor; quam iniqua autem sit eius de Herodoto sententia, norunt omnes, qui Herodotum nouerint. Ceterum illud recte monet, plerisque quoque eorum, qui de Alexandro scripsere, si Patroclum exceperis, non nimiam adhibendam esse fidem <sup>6)</sup>.

1) P. 777.

2) Athen. XII, p. 539.

3) Plin. VI, 21.

4) Strab. I. II, p. 127. cf. p. 789.

5) P. 774.

6) Ibid.

Exposita maris Caspii natura, pergit scriptor ad regiones, mari huic versus orientem sitas; Hyrcaniam nempe, Parthiam, et vastas illas populorum Nomadicam vitam agentium sedes <sup>7)</sup>. Ad sinistrum nempe maris Caspii latus vagari Daas; post hos esse solitudines; tunc sequi Hyrcaniam. Plures ibi commemorat gentes ad ima montium in Armeniorum et Albanorum finibus, quos Patrocles nominauerat. Hyrcaniam amplam admodum esse, bene habitata, ac mira fertilitate. Quae de Hyrcania prodit ex *Patrocle* deriuata esse, dubium non est; ipse enim, dum *Eratosthenem* et *Aristobulum* testes affert, Patroclis tradita ab iis repetita esse addit <sup>8)</sup>. De *Eratosthene* non dubito; *Aristobulum* tamen, *Alexandri* comitem, ante *Patroclum* iam scripsisse crediderim. Quidquid sit, quae de locis hisce populisque ibi degentibus tradit *Geographus*, ex *Patrocle*, *Eratosthene* et *Aristobulo* hausta esse, quibus tamen addimus *Polycleturn*, supra iam commemoratum, certum est. Sequuntur plura tum de *Sacis* tum de *Massagetis*. Quae de *Sacis* narrat, ex rerum *Mithridaticarum* scriptoribus deprompta sunt, maxime *Pasidonio*, ut quae de *Dea Anaitide* eiusque cultu perhibet <sup>9)</sup>. In *Massagetarum* vero descriptione, omnino *Herodotum* ducem sibi elegit, quod iam in annotationibus ostendit *Cassaubonus* <sup>1)</sup>. Quae autem haec excipiunt, nempe de *Chorasmiis*, *Bactrianis* et *Sogdianis*, cum locorum interuallis ac mensuris, magna ex parte ex *Eratosthene* hausit <sup>2)</sup>.

Sequitur *Parthia*, cum terris adiacentibus. Sunt quoque hic plura, ex iisdem fontibus deriuata, non tamen omnia. Est enim alia scriptorum classis quibus multum tribuit, quos hic consultauit, regum scilicet *Parthicarum* scriptores. Omnino enim bellis inter *Romanos* ac *Parthos* gestis, terras illas primum apertas esse.

7) p. 775.

8) p. 776.

9) p. 779.

1) p. 780.

2) p. 782. ubi nominat *Eratosthenem*.

3) p. 783. 785.



Eminet inter illos *Apollodorus Artemites*, ad cuius auctoritatem saepe prouocat Strabo <sup>3)</sup>. Aetas quidem eius non accurate constitui potest; cum tamen Romanorum cum Parthis bella sub Antonio demum inceperint, non longe ante geographum floruisse videtur. Enarrauerat vero in Parthis suis Apollodorus regni quoque Bactriani fata et conuersiones; inde ab initio eius usque ad interitum. Debemus vero Apollodoro locum insignem, in quo Geographus de regno hoc nonnulla saltem memoriae prodidit <sup>4)</sup>; de quo sine eo nil fere quam nomen constaret. Desumpta enim haec omnia esse ex Apollodoro clarum erit, si quae p. 786. ex eo refert, (ibi enim pro Apollonio Adramytteno legendum esse Apollodorum Artemitam docuerunt iam interpretes;) contuleris. In describendis tamen hisce regionibus Strabonem plures testes adhibuisse, patet ex iis quae de Oxo fluuiis eiusque cursu habet; *vbi alios haec, alios alia tradere auctor est* <sup>5)</sup>; quos tamen singulos inuestigare non amplius licet. Reliqua, quae de Sogdiana, eius urbibus ac fluuiis refert, ex Alexandri comitibus, Aristobulo maxime et Patrocle, petita sunt. Patet quoque ex his Strabonem non immerito Patroclum sibi ducem elegisse, qui de fluuiis Sogdianae, Oxo ac Jaxarte, de eorum cursu, ac intervallo quod ostia eorum determinat, veritati consentanea prodiderat <sup>6)</sup>. Subiungit hisce auctor nonnulla mirabilia, apud Derbices, Caspios, Hyrcanos et alios obuia, partim ex Herodoto, partim ex aliis; quos Aelianus quoque compilauit; *descripta* <sup>7)</sup>. Vltiora autem Scythiae plane esse incognita; cum nullae omnino expeditiones in ea susceptae fuerint <sup>8)</sup>. Videmus itaque Strabonis de Asia notitiam arctis admodum limitibus circumscriptam fuisse; cum quas nos Asiae septentrionali annumeramus regiones plane ipse incognitae manserint; ex parte autem media, quae vastas illas re-

3) p. 783. 785.

6) p. 788.

4) p. 783. etc.

7) cf. Not. Casaub.

5) p. 786.

8) p. 788.

giones a populis Tartaricae ac Mogolicae originis habitatas comprehendit, pars tantum australis in notitiam venerit. Redit autem tunc Geographus ad Caucaſum; designat curſum fluviorum ab eo deſcendentium, Euphratis ſcilicet et Tigris; ac australem Tauri partem, quae Armeniam a Babylonia ſeparat, deſcribit; ubi in nonnullis diſcedit ab Eratoſthene; qui paulo aliter haec conſtituerat <sup>9)</sup>).

His expoſitis Mediae deſcriptionem aggreditur; quae in duas partes, Mediam nempe magnam et parvam, Atropatene dictam, diuiditur; ab Atropato duce, qui obſtiterat ne in Macedonum poteſtatem veniret, ſic vocatam <sup>1)</sup>); ſucceſſionem autem eius ſua adhuc aetate ibi durare. In Mediae huius minoris deſcriptione laudat *Apollonidem*, libro quoque VII. citatum, qui nescio num ſcriptoribus de Mithridate annumerandus ſit, an vero idem fuerit quem periplum Europae condidiſſe auctor eſt Apollonii Scholiaſtes <sup>2)</sup>). Dux tamen praecipuus ipſi fuiſſe videtur *Adelphius* quidam ſeu potius *Dellius* <sup>3)</sup>), Antonii in expeditione contra Parthos comes, ac parti exercitus praefectus; cuius hiftoriam conſcripſerat; de quo in commentatione quarta in Plutarchi vitas egimus; qui cum ipſe regiones illas adiſſet, non immerito teſtis adhibetur a Geographo. Quae denique verſus finem libri de Armenia eiſque regibus, imprimis Tigraſe narrat, ea iterum ex ſcriptoribus de rebus Mithridaticis deſumpta eſſe, res ipſa docet; cum Tigraſes Mithridati et cognatione et foedere iunctus eſſet.

## LIB. XII.

Expoſita in libro vndecimo regionum circa mare Caſpinum natura, ac populorum ibi habitantium indole, verſus occidentem

9) P. 793.

2) l. IV, v. 983. cf. Voff. p. 328.

1) p. 794.

3) p. 794.

redit Geographus, ac terrarum, quae Asiae minoris nomine comprehenduntur, geographiam exhibet. Procedit autem eo ordine, ut primum de septentrionali peninsulae parte agat; incipit enim a Cappadocia; quam excipiunt Pontus, Paphlagonia et Bithynia; ex interioribus vero regionibus Phrygia et Galatia. Et haec quidem sunt, quae libro hoc duodecimo continentur. Loquitur autem hic Geographus de regionibus in quibus natus erat, ac iuuentutem, forte quoque virilis aetatis partem, transegerat. Ortus enim erat, quod ipse testatur <sup>4)</sup>, ex vrbe Amasea, nobili familia, quae et in administranda republica sub Ponti regibus partes suas habuerat. Aliam itaque horum librorum, si de fontibus quaeris, rationem esse, quam libri vndecimi, quis non videt? Raro enim hic pendet Geographus ab aliorum testimoniis; narrat quae ipse praefens viderat. Propositum enim sibi esse dicit, explicare statum harum regionum, qualis *sua aetate* esset <sup>5)</sup>; interspergere autem ex antiquitate se tantum nonnulla, commoda occasione oblata. Quare nostrum quoque est, ea excutere quae ex scriptorum testimoniis tradit; reliqua breuiter indicare satis erit.

Cappadociae, a qua incipit, veros terminos ponit eodem cum lingua Cappadocum; veteres tamen separatam ab ea posuisse Cataoniam, quamuis incolae eius eadem cum Cappadocibus vtantur lingua <sup>6)</sup>; omnino vero Cappadociam varias mutationes subiisse. Ante Persarum enim tempora Cappadociae nomine comprehensam quoque fuisse Pontum; separasse hunc ab ea Persae, ac duo satrapias constituisse, Cappadociam scilicet magnam seu proprie sic dictam, ac Cappadociam ad Pontum seu Ponticam <sup>7)</sup>. Antiquam Cappadociae magnae constitutionem ignorari; explicat

5) p. 816. Ἡμῖν δὲ ὡς νῦν ἔχει λεγέσθαι, μικρὰ καὶ τῶν προτέρων ἰσχυρομένοις, ὅπου τοῦτο χρήσιμον.

6) p. 806.

7) p. 818.

itaque statum recentiore, qualis sub regibus a Romanis creatis, Ariobarzane ac Archelao fuerat; siue haec auditu perceperit, siue ex scriptoribus Mithridaticis hauserit. In descriptione regionis facile agnosces oculatum testem; ipse quoque se in peregrinatione ibi praesentem fuisse commemorat <sup>8)</sup>, vbi de Comana, Cappadociae vrbe loquitur, ac inclyto quod ibi erat Bellonae templo, cuius summus pontifex, regio plerumque genere ortus, imperium et vrbis et circumiacentis regionis tenebat. Quae Strabo de hoc templo ac aliis huic similibus tum in Cappadocia tum in Ponto tradit, maxime sunt memorabilia; plures enim fuisse in his terris, vt in Syria, summos sacerdotes, qui simul principes essent, ac seuerum in subditos, quos Hierodulos vocant, qui seruili erant conditione, imperium exercerent, inde discimus.

Cappadociam apud nostrum excipit Pontus; quem quondam partem eius fuisse, modo monuimus. Stat hic geographus promissis, vt statum, qualis sua aetate esset, explicet; quae de populis, olim hanc terram habitantibus admiscet, partim ex *Theopompo*, partim ex aliis petita sunt <sup>9)</sup>. Praeter Theopompum enim se *Herodotum* quoque *Hellanicum* ac *Ephorum* ad manus habuisse, mox ipse, nominibus eorum additis, testatur <sup>1)</sup>. Passim quoque inspexit rerum Mithridaticarum scriptores; ex quibus quae de Sinope vrbe, quae Mithridatis erat regia, et quae de regno a Pompeio Deiotaro concessio, eiusque ambitu habet, desumpta sunt <sup>2)</sup>. Mox in Amisi vrbis historia *Theopompum* iterum testem aduocat <sup>3)</sup>; in aliis, velut quae de Mosynocis narrat, bellorum Mithridaticorum iterum commentarios inspexit; reliqua produnt scriptorem, qui, quae narrat, suis oculis viderat. Dum autem Chalybum et Halizonum mentio iniicitur, quaestionem attingit,

8) p. 809.

2) p. 821.

9) p. 816. 822.

3) p. 823.

1) p. 819. 820.

vbi eruditioni locus erat. Disputationem itaque hic instituit contra Apollodorum, qui in commentario in catalogum nauium Halizonas *extra* Halyn fluuium posuerat. Qua occasione oblata aliorum quoque de Halizonibus sententias recenset, Ephori nempe et Demetrii Scepsii, qui de Hecataei Milefii, in terrae periodo, de Menecratis Elaitae in Hellesponti periplo, et Palaephathi denique placitis de Halizonibus ac Amazonibus egerat <sup>4</sup>).

Redit tunc Geographus ad propositum, ac orientalem Ponti partem describit, cuius imperium tunc obtinebat femina Pythodoris, quae annuentibus Romanis marito Polemoni post eius mortem in regnum successerat <sup>5</sup>). Quae de eius historia ac Pompeii rebus gestis commemorat, ex *Theophane*, quem ipse citat, maxima saltem ex parte petita sunt <sup>6</sup>); minime enim, cum plures essent rerum Pompeii scriptores omnia ex vnico fonte deriuata, esse contenderim. Sequuntur alia, vrbis patriae Amaseae, ac in primis vrbis ac templi Comanorum in Ponto, eodem nomine, eodem cultu ac iisdem institutis, (nam hic quoque imperium apud summum pontificem erat,) de quibus supra in Cappadocia locuti sumus, descriptio; in quibus oculatum testem facile agnosces <sup>7</sup>).

Pergit tunc ad Galatiam; de qua, antequam praesentem conditionem exponit, nonnulla de pristino statu praemittit; quae quidem ex rerum Mithridaticarum scriptore, qui haec, epifodio forte, attigit, desumpta esse autumo, saepius enim Pompeii eiusque actorum mentio iniicitur <sup>8</sup>). Galatiam constat prius fuisse Phrygiae partem; quae iterum Myfiae contermina est; fines tamen distinguere admodum difficile est secundum Strabonem. Confundi quoque

---

4) p. 828 - 832.

7) p. 837.

5) p. 833.

8) p. 851.

6) Ibid.

quoque Myſos cum Lydiæ, quos Homerus Maeones dicit <sup>1)</sup>. Origines quoque Lydorum dubias eſſe; cum ſint qui eos Thraces, ſint qui eos Myſos faciant <sup>2)</sup>. Tueri nempe hanc ſententiam *Xanthum* Lydum; et *Menecratem* Elaitam <sup>3)</sup>. *Xanthum* Lydum, qui pluribus libris Lydiacæ conſcripſit, ex quibus hæc quoque procul dubio petita ſunt, Herodoti fere æqualem, mox inter antiquos ſcriptores commemorat Strabo <sup>4)</sup>. Eiſdem fere ætatis fuit Menecrates Elaita; Hecataei nempe Miſeſii æqualis; qui Hellesponti periodum conſcripſerat; ex qua quæ hic commemorantur petita eſſe, dubitari nequit <sup>4)</sup>. Ex iſdem autem fontibus deriuata eſſe, quæ de Myſorum et Phrygum antiquitate ſubiungit, admodum probabile eſt. Quæ autem de Cycico vrbe, cuius in bellis Mithridaticis inſigne eſt nomen, eiſque inſtitutis enarrat, ex horum bellorum ſcriptoribus, qui res a Lucullo geſtas tradiderant, ſive is Poſidonius fuerit, ſive alius, hauſta eſſe puto.

## LIB. XIII.

Continuatur hoc libro Aſiæ minoris deſcriptio; oræ nempe maritime, quæ a Cycico vrbe vsque ad Cumas et finem Aeo-  
lidis procurrat; cum oppoſitis inſulis, quarum præcipua eſt Lesbos, et mediterraneis, quæ ſupra hanc oram ſita ſunt. Statim autem Geographo hic ſe obtulit regio, nominis ſplendore et antiquitatis gloria, ſi quæ alia inſignis, Troiana ſcilicet terra. Oſtendimus in priori commentatione, quantam fidem Strabo in geographicis diſquiſitionibus tribuerit Homero; vt adeo vix aliter exſpectari poterat, quam vt, dum quaestionem de agro Troiano copioſe ac ſumma cura tractaret, Homeri carmina fundum diſputationis faceret. Cum autem ante eum iam multi fuiſſent, qui in explicanda Homerica regionis huius deſcriptione ſtudium po-

1) p. 857.

2) p. 869.

3) ibid.

4) cf. Voſſ. p. 441 et 452.

2) p. 857.

fuerant, non admodum mirandum, eos haud raro in diuersa abiisse; quod statim in ambitu eius constituendo iam factum esse, annotat Strabo. Fuere ex his, quos nomine addito citat, *Eudoxus, Damastes, Charon, Scylax* et *Ephorus* 5). Ephoro multum tribuisse Strabonem in rebus mythicis, saepius iam cum de eo loqueremur ostendimus; quare quoque, quae statim in initio libri de Aeolum in Asiam migratione, ac urbibus ibi conditis legimus, ex eo desumpta esse, nullus dubito. Eudoxus est Cnidus, cuius *γῆς περιόδος*, in qua haec quoque tractari debuerunt, pluribus libris constabat. Damasten Sigeum, qui paulo ante bellum Peloponnesiacum floruit, nouimus ex Dionysio Halicarnaseo, qui eum Hellanico Lesbio et Xantho Lydio aequalem ponit 6). Legebatur autem eius opus *περὶ ἑθνῶν*, a Stephano citatum 7). Scylax Caryandensis idem est, cuius *γῆς περίοδος*, seu periplum potius maris mediterranei ac Ponti Euxini, adhuc legimus; Charon denique Lampfacenus, Xerxi ut volunt aequalis, Persarum in Graeciam incurSIONES, quae Troianum quoque agrum attingere debebant, duobus libris conscripserat 8). Addimus huc Callisthenem, saepius a nostro laudatum, qui Alexandrum in Asiam secutus, postea ex gratia regis, excidit, ac supplicio affectus perit. Ediderat commentarios de expeditione Alexandri 9); in quibus passim urbium quoque antiquitates explicasse videtur. Inter scriptores tamen, qui de antiqua Troade egerunt, eminet ante omnes *Demetrius*, ex urbe Scepsi in media hac regione ortus, unde *Scepsius* dicitur. Aequalis erat Aristarcho, paullo tamen iunior; ac cum Romani Antiochum Magnum debellarent, iuuenili adhuc aetate. Inscriserat opus suum: *Τρωϊκὸς διάκοσμος*,

5) p. 873.

6) Dionys. Hal. l. i. p. 59.

7) Steph. de urb. in *ὑπερβορεῖς*.

8) Voss. p. 442 ex Suida.

9) Scripta eius recenset Voss. p. 40. etc.

*Recensio Troica* <sup>1)</sup>. Commentatus enim erat in locum Iliadis de Troiana acie, et quidem tanta cura, ut explicandis sexaginta non amplius Homeri versibus triginta libros impleuerit. Ducem autem sibi primarium in hac disquisitione elegerat Strabo, ad cuius auctoritatem saepe prouocat <sup>2)</sup>. In plerisque enim se censere assentiendum esse Demetrio, homini perito, et locorum in quibus natus fuerit gnaro. Deprompta itaque sunt ex eo plurima, quae de prisca et urbis et agrum Troiani conditione, de monte Ida, de urbe Scepsi regimus; praeterea quoque, ni fallor, quae de fatis bibliothecae Aristotelis, quae in urbe Scepsi seruabatur, versus finem libri narrat noster. Intersuilla quoque locorum hic ex eo enotata sunt; in sequentibus tamen <sup>3)</sup> iterum ex Artemidoro. Ephorum quoque inspexit et Thucydidem <sup>4)</sup>. Ceterum non omnia ex libris hausta esse, sed Strabonem ipsum loca visitasse, ipsa narratio docet. In originibus vero Troianorum inuestigandis, in varias partes discedere autores; cum sint qui eos ex Attica, plures vero qui ex Creta insula eos deriuarent. Fuere ex his, quos recentiores vocat; ac inter eos *Lycurgus* rhetor, qui declamationibus suis gratiam Iliensium captauerat <sup>5)</sup>; ex antiquis vero *Hellanicus*, et *Menecrates* inprimis Elaita, supra laudatus; qui librum *περί πόλεων* <sup>6)</sup> siue *origine urbium* conscripserat. Ex eodem hoc Menecrate desumpta sunt, quae mox infra de Pelasgis, et eorum in littore Asiae minoris sedibus habet Geographus; omnem enim oram, postea Joniam dictam, inde a Mycale promontorio, usque ad insulas Lesbo vicinas, quondam ab iis habitatam fuisse <sup>7)</sup>.

---

1) Saepe sub hoc titulo laudatur ab *Athenaeo*, qui p. 423. librum XXVI. citat.

2) p. 887. 894. et 900.

3) p. 923.

4) p. 896.

5) p. 898.

6) p. 922.

7) p. 922.



Descripta vero iam ora Trojana et Lydia, ad mediterranea pergit; ubi statim occurrit urbs celeberrima Pergamus, sub Attalicis regibus florentissima; quorum seriem in excursu exponit <sup>8)</sup>. Quem ducem hic secutus sit, dicere non habeo; fuit tamen scriptor, qui post interitum regni Pergameni demum historias suas condiderat, cuius ultima quoque fata commemorat; ni fallor Posidonius. In sequentibus, ubi de Lydorum ac Myſorum populis agit, unde singula deprompta sint, non semper accurate distingui potest; certum tamen est, duces quorum vestigia premit non diversos fuisse ab iis, quos nominauimus, saepe enim ad Demetrii Scepsii, interdum vero Artemidori <sup>9)</sup>, Herodoti, Callisthenis et Theopompi auctoritatem recurrit.

## LIB. XIV.

Pergit in hoc libro Geographus in descriptione Asiae Minoris, ac quae adhuc supererant tractat. Agit itaque de Ioniae ora maritima eiusque mediterraneis; de insulis Samo ac Rhodo ac littore iis opposito; de regionibus Asiae minoris australibus, Lycia, Cilicia et Pamphylia; ac de Cyprio denique insula. Continuatur itaque, atque ad finem perducitur, priorum librorum enarratio; unde ex iisdem fere autoritatibus eam pendere, ac vix nouas expectari posse, per se patet. Initio itaque facto ab Ionia, de urbibus Graecorum ibi conditis loquitur, de Mileto, Epheso et aliis; quarum origines et antiquitates ex *Pherecyde* Syro, qui Ionum migrationes descripserat, repetuntur <sup>1)</sup>; in subsidium quoque vocatis poetarum testimoniis, ut Mimnermi, et Hippo-nactis Ephesii <sup>2)</sup>. In Mileti foundatione et initiis consultauit quoque *Ephorum* <sup>3)</sup>; in coloniis autem a Milesiis deductis *Anaximenem* Lampfacenum; Alexandri comitem, ac urbis patriae,

8) p. 925.

9) p. 923. 930.

1) p. 938.

2) p. 940.

3) p. 941.

cum a rege defecisset, saluatorem <sup>4)</sup>). Legebatur autem eius opus *ἡρώων ιστορίαι* inscriptum <sup>5)</sup>); quae teste Diodoro Siculo omnem Graecorum historiam inde ab antiquissimis temporibus usque ad Epaminondas mortem continebant. Quae de Polycratidis tyrannide in Samo insula narrat, ex *Herodoto* <sup>7)</sup>), quae de Atheniensium in eam expeditione ex *Thucydide* petita sunt <sup>8)</sup>). In Ephesi vrbis, quae sua aetate quotidie augebatur locorum ac situs opportunitate, ut primum esset Asiae emporium, ac incoliti eius templi, Dianae consecrati historia, praesentem sibi habuit *Artemidorum*, qui Timaei calamitas Ephesios templum illud e Persarum depositis construxisse, refellerat <sup>9)</sup>). Posteriora quoque vrbis fata, cum ipse, ut causam eius ageret, legatus Romam missus esset, Artemidorus enarrauerat <sup>1)</sup>). In reliquis quoque Ioniae vrbibus eosdem auctores secutus est; in rebus mythicis *Pherecydem* et *Ephorum*; ita tamen ut poetarum quoque, Hesiodi, Pindari, Callini et aliorum testimonia adiungeret <sup>2)</sup>); in recentioribus *Posidonium*; addit praeterea quae ipse auditu et visu perceperat. Ultima regni Pergami, ac Aristonici, frustra illud sibi vindicantis, fata ac interitum <sup>3)</sup>) ex Posidonio quoque hausta esse puto; qui haec pro consilio operis tractare debuit. Sequitur Rhodi vrbis descriptio, quam ipse visitauerat Geographus. In iis, quae de antiquitatibus vrbis et insulae tradit, plures sese consultasse ipse prodit <sup>4)</sup>); qui poetae potius ac mythographi quam historiae scriptores fuisse videntur; nomina tamen non addidit. Quae mox de Artemisia, Cariae regina narrat, procul dubio ex rerum

4) p. 941.

5) Sic eas laudat Athen. VI. p. 231.

6) Diod. I. XV.

7) Herod. III, 139.

8) Thucyd. I. 3.

9) p. 949.

1) p. 951. Erat nempe Artemidorus Ephesius, unde non mirum, eam in geographia sua copiosius de vrbe patriae locutum esse.

2) p. 951. 952.

3) p. 957.

4) p. 967.

Alexandri scriptore aliquo petita sunt; deducitur enim narratio ad eius usque tempora, ac rerum ordinem ab eo constitutum <sup>5)</sup>. In iis quae de Carum, quos βαρβαρῶνους vocat Homerus, lingua disputat, reprehendit Apollodorum grammaticum; ad manus autem habuit scriptum Philippi cuiusdam, qui Carica scripserat. Nouimus hunc Philippum ex Athenaeo, qui eum Theangulensem vocat, ac librum eius citat περὶ Καρῶν καὶ Λελεγῶν, ad quem respicit noster <sup>6)</sup>. Locorum autem ac urbium intervalia iterum ex Artemidoro petita sunt <sup>7)</sup>; quem quoque praecurrentem sibi habuit, in iis quae de Lyciorum conuentu ac institutis tradit <sup>8)</sup>.

Mox ubi de Cilicia sermo est, memorabilia imprimis sunt, quae de mancipiorum exportatione et mercatu narrat <sup>9)</sup>; cuius insigne emporium Seleucidarum aetate erat Delos insula; cum post deletam Carthaginem et Corinthum Romanis multorum servorum usus esse coepit. Auctorem, quem Strabo hic secutus est, non nominat; clarum tamen est, eum scripsisse post belli piratici a Pompeio gesti tempora, ex iis quae de Pompeiopolis in Cilicia, in quam piratarum sedes transferebantur, origine tradit. Equidem non dubito nostrum hic iterum Posidonium secutum esse; agnosces enim scriptorem qui Romanorum acta laudare seu excusare studuit <sup>\*</sup>). Quae vero de Malli urbis initijs commemorat, partim ex poetarum, Sapphoclis maxime <sup>1)</sup>, partim ex scriptoris περὶ κτισεων, Menecratis forte Elaitae, supra commemorati, commentis desumpta sunt. Descendit tunc Geographus ad disceptationem cum Apollodoro Grammatico, qui in commentario in catalogum navium tum de Troianorum sociis, tum de forma peninsulae Asiae minoris falsa propinquerat;

5) p. 971. 972.

6) Athen. VI, p. 271.

7) p. 978. 980.

8) p. 980.

9) p. 985.

\*) Ibid.

1) p. 993.

tam Homeri verba conturbaret, ac Ephori sententiam male intelligeret <sup>2)</sup>).

Claudit librum Cypri insulae descriptio. Ambitus insulae ac locorum distantiae cum pluribus aliis procul dubio ex *Artemidoro* desumptae sunt <sup>3)</sup>. Corrigit enim non *Damastem* modo, qui poetarum commentis fidem adhibuerat; sed ipsum quoque *Eratosthenem*, qui hic in errores inciderat; quos emendare solitum erat *Artemidoro*.

#### LIV. XV.

Descripta iam ea Asiae parte, quae intra Taurum dicitur, pergit iam *Geographus* ad alteram extra Taurum sitam; i. e. ut supra declarauimus, quae Tauro versus meridiem est. Complectitur ea Syriam, Arabiam, Babyloniam, Persin, omnemque Indiam. Incipit autem ab oriente, nempe ab India; ac ita progreditur versus occidentem. Continet itaque liber XV. Indiae ac Persiae descriptionem. Agitur vero iam de regionibus, quas *Geographus* nunquam ipse adierat; peregrinationes enim ab eo susceptas versus occidentem institutas fuisse, supra vidimus. Pendet itaque hic auctor unice a scriptorum qui de terris hisce commentati erant traditis; qui quales fuerint iam excutiendum erit.

Antequam autem Indiae descriptionem aggreditur, statim monet *Geographus*, aequum hic animum adhibendum esse a lectoribus, cum India remotissima sit terrarum; et pauci admodum sua aetate, ac hi quoque in cursu tantum vel transitu, eam viderint <sup>4)</sup>. Parum itaque eos inter se conuenire; quod iam iis qui *Alexandrum* comitati sint euenierit. Verum eos quoque, qui post illos de locis illis scripserint, aut qui sua aetate eo nauigent, nihil fere certi pronuntiare <sup>5)</sup>. Quae, cum ipse profiteatur

2) p. 995.

3) p. 1000. 1003.

4) p. 1005.

5) p. 1006.

Strabō, plenam et accuratam Indiae descriptionem; minime expectabis. Cum enim, quod mox probabimus, *Eratosthenem* sibi eligeret ducem primum, falsam, quam ille conceperat de Indiae forma imaginem, suam fecit. Rhomboidis enim figuram tribuit Indiae, ita ut duo maiora latera, australe nempe et boreale, duo minora orientale et occidentale tribus millibus stadiorum exsaperent <sup>6)</sup>. Clarum itaque est, eum latus australe recta linea procurrere credidisse; ac peninsulae Decan dictae nullam prorsus notionem habuisse. Ex citeriori autem India eam tantum partem quae inter Indum ac Hypanin fluvium sita est, accuratius novit; nam de iis quae ultra Hypanin sunt parum constare, cum pauci admodum mercatores ad Gangem usque penetrauerint. Ex omnibus Indiae urbibus Taxilam tantum ac Pattala ad Indum, ad Gangem autem Palibothra commemorat; nullum in omni australi littore portum, nullum emporium; etsi de Taprobane insula, cui octo millium stadiorum longitudinem Eratosthenes tribuerat, plura tradit <sup>7)</sup>. De Indorum autem terra si pauca tantum narrat, in describendis contra populi institutis ac moribus admodum est copiosus; ut eum potius ethnographiam quam geographiam Indiae condidisse dixeris. Minime tamen haec amplius miraberis, sinulac duces, quos sibi praeceuntes habuit, noueris. Sunt enim hi vnice Alexandri comites; et qui mox post Alexandrum sub Seleucidis Indiam adierant, ac de ea scripserant; ex quibus suam iterum Indiae descriptionem, quae tertio Geographiae suae libro continebatur, Eratosthenes composuerat. Hunc vero *Eratosthenem* se ducem sibi elegisse, ipse indicat Geographus; ita tamen ut subinde *Megasthenis*, *Patroclis*, *Nearchi*, *Onesicriti*, *Daimachi*, *Aristobuli* et *Clitarchi* testimonia ex eorum scriptis repeteret <sup>8)</sup>. Fidem ex hisce maxime adhibuit

Patrocli

6) p. 1010.

7) p. 1012.

8) p. 1009.

Patrocli et Aristobulo; post hos Megastheni et Nearchi; nullam autem fere Onesicrito, Daimacho et Clitarcho, qui multa fabulosa inter vera receperant. De Patrocle, superioris Asiae sub Seleuco Nicatoris praefecto, supra iam dictum est; Aristobulum, Alexandri comitem, nouimus ex Arriano, qui eum cum Ptolemaeo veracissimum scriptorem nominat <sup>9)</sup>. Megasthenis, Seleuci Nicatoris ad Sandrocottum Indiae regem legati narratio, etsi eam interdum reprehendit, tantum non omnis recepta est à Strabone; Nearchi, classis Alexandri praefecti, periplus seruatus est ab Arriano in Indicis; Onesicriti et Clitarchi fidem, qui ambo Alexandri res gestas descriperant, admodum suspectam fuisse, in disputatione nostra de Plutarchi fontibus iam ostendimus; Daimachum autem, Antiochi ad regem Indorum Allotrachidem legatum, in Indicis suis ficta pro veris vendidisse, iam in primo operis sui libro conuestus erat Strabo. Quae autem singulis locis ex hisce auctoribus exscripsit docere, plane superfluum foret; cum nomina eorum, ubi ad eos prouocat, vbiuis fere addita sint. Addendi hisce sunt, semel tantum hoc libro commemorati, *Artemidorus* in commentario de Gangis fluminis cursu <sup>1)</sup>; qui nescio num diuersus fuerit a maiori opere; *Nicolaus Damascenus* qui legatos, ex Taprobane insula ad Augustum missos, conuenerat <sup>2)</sup>; *Megilus* denique, de quo praeter nomen illud tantum constat, eum de oryzae cultura scripsisse <sup>3)</sup>.

Post Indiam, dum versus occidentem pergit, sequuntur Persici regni prouinciae, quae Indiam contingunt. Comprehendit eas Geographus communi Arianæ nomine; cuius fines ponit versus orientem Indum fluuium; versus occidentem lineam, quae a Caspiis portis ad ostia sinus Persici ducitur; versus austrum vero

9) Arrian. p. 1.

1) p. 1047.

2) Ibid.

3) p. 1015.

ac boream mare tum Indicum tum septentrionale; ut figura eius sit quadrilatera. Descriptionem incipit ab austro, Gedrosia nempe et Ichthyophagorum ora; quae omnis ex *Nearchi* periplo desumpta est; nonnulla quoque ex *Onesicrito*. Quod autem ad interiora attinet, ipse profitetur non meliora se proponere posse, quam quae *Eratosthenes* exhibuerat <sup>4)</sup>; *Eratosthenem* autem ex *Aristobulo* et aliis, quos passim quoque nominat noster, tradita sua petiisse, saepius iam monuimus. In dimensionibus tamen regionum adhibet praeterea auctoritatem eorum, qui *Alexandro* itinerum dimensores fuerant; *Bacton* nempe et *Diognetus*; quos novimus ex *Plinio* et aliis <sup>5)</sup>. Quae denique de *Carmania* tradit, ex iisdem fontibus, *Nearchi* nempe et *Onesicriti* periplis, hausta sunt.

Supereft Persis regio, proprie sic dicta. Longitudinem et latitudinem eius tradit ex *Eratosthene*; reliqua maximam partem ex *Polycleto* <sup>6)</sup>; de cuius opere, quo *Alexandri* expeditionem enarrauerat, supra L. XI. locuti sumus. Quae de fluviis, eorum ostiis, ac omnino de ora Persidis tradit, ex *Nearcho* et *Onesicrito* derivata sunt; quae de *Persepoli* et *Pasargadis*, totidem fere verbis ex *Aristobulo* apud *Arrianum* legimus <sup>7)</sup>. Excipit haec descriptio morum et religionum Persarum. Quae de ignis cultu in locis sacris seu *Pyraeis*, quorum magna copia in *Cappadocia* erat, tradit, se ipsum vidisse annotat <sup>8)</sup>; quae de moribus ac institutis Persarum partim ex *Herodoto*, nonnulla quoque ex *Xenophonte* in *Cyropaedia* desumpta sunt.

---

4) p. 1033.

5) p. 1053. Ad hos referenda esse verba *ὡς ἐν τοῖς Ἀσιατικοῖς σταθμοῖς ἀναγγελλται*, vidit iam *Casaub.*

6) p. 1059.

7) *Arrian.* p. 144.

8) p. 1065. 1066.

## LIB. XVI.

Pergit Geographus hoc libro in descriptione Asiae extra, Taurum; sequuntur autem regiones Asiae occidentales; Assyria, Babylonia, Mesopotamia; Syria cum Phoenicia et Palaestina, ac denique Arabia. Assyriae autem nomen tam late apud eum patet, ut praeter Adiabenen, proprie sic dictam, comprehendat simul Mesopotamiam, Babyloniā cum Syria; adeoque terras quae quondam sub Assyriorum imperio fuere. Incipit autem descriptionem ab Aturia <sup>9)</sup> i. e. regione, quae Ninum urbem cum campis vicinis ad Lycum seu Zabum fluvium cum Gangamela urbe ubi Darius imperium amisit, continet. Est itaque pars Assyriae sensu arctiori. Quae vero de locis hisce tradit, satis produnt, ea ex scriptore de rebus Alexandri petita esse <sup>1)</sup> Ex eodem autem fonte, nisi quod ex Herodoto nonnulla repetiit, profluxere quae de Babylonia ac Babyloniorum urbe legimus. Consultauerat vero *Aristobulum*, quem quoque nominat <sup>2)</sup>; ac praeter eum *Polycletum* ac *Eratosthenem* <sup>3)</sup>. Quae tamen mox de Parthorum imperio, ac urbibus in eo sitis subiungit, ex scriptore bellorum Mithridaticorum petita sunt; quem neminem aliū fuisse autumo quam *Pofidonium*. Rerum enim a Pompeio contra Tigranem gestarum mentio iniicitur <sup>4)</sup>. Quae sequuntur de aggeribus lapideis, quibus Persae Tigri fluvii navigationem obstruxerant, legimus quoque apud Arrianum <sup>5)</sup>; unde certum est ex *Aristobulo* vel *Nearcho* ea petita esse, quem quoque nomine addito laudat. Quae haec excipiunt, de Babyloniorum moribus ac institutis, partim quidem ex *Herodoto*, longe tamen plurima ex *Pofidonio* petita sunt; quem nostrum in hisce

9) p. 1070.

1) cf. p. 1072.

2) p. 1076.

3) p. 1077.

4) p. 1078.

5) Arrian. p. 156.



rebus ducem sibi prae aliis elegisse, saepius iam monuimus. In sequenti Mesopotamiae ac Syriae descriptione non omnia ex libris scriptis desumpta sunt; visitavit enim Geographus hasce regiones; quod ex iis clarum est, quae de Sidone urbe commemorat <sup>7)</sup>. Dimensiones ex *Eratosthene* et *Artemidoro* petita<sup>8)</sup> sunt, reliqua omnia debentur *Pofidonio*; ea inprimis quae ex Seleucidarum historia addidit <sup>9)</sup>. Excipit haec locus insignis de Mose et Iudaeis <sup>1)</sup>; fuisse nempe Mosē ex sacerdotibus Aegyptiis; eorum tamen superstitiones ac bestiarum maxime cultum damnasse; Graecorum quoque religiones, qui deos humana forma praeditos colerent, improbasse; ac summi numinis, coeli ac terrae domini, cultum instaurasse; et templum, vnice eo dignum, absque simulacro, construi iussisse. Deduxisse autem Mosē populum suum in eas partes, vbi nunc sint condita Hierosolyma ac non contemnendum imperium ibi obtinuisse. In quibus quamuis falsa nonnulla veris immixta sunt, longe tamen absunt ab aliorum de Iudaeis fabulis, ac in eos calumniis; quare vnde deducta sint, recte quaeritur. Constat autem primo, Strabonem hic scriptorem ante oculos habuisse, qui res Iudaeorum a Pompeio, Mithridate iam debellato, ordinatas, ac urbis Hierosolynarum obsidionem ac occupationem a Pompeio factam, descripserat <sup>2)</sup>; quem quidem iterum *Pofidonium* fuisse autumo. Attigerat enim *Pofidonius* Iudaeorum res; testem enim eum adhibet Strabo in descriptione maris mortui, ac commerciorum cum bitumine ei innatante <sup>3)</sup>. Subiungit tamen scriptor nonnulla ex gentis Herodianorum historia, Pompeio ac *Pofidonio* recen-

6) p. 1082.

7) p. 1098.

8) p. 1083. 1102. 1103.

9) p. 1106.

1) p. 1104. 1105.

2) cf. p. 1106.

3) p. 1108.

tiora; quae num fama perceperit, an vero ex *Nicolai* forte *Damasceni*, *Herodis M.* familiaris, historiis petierit, in medio relinquo.

Syriam ac Palaestinam excipit Arabia. Incipit autem Geographus a latere orientali, adeoque sinus Persici ora; ubi de Gerrhaeorum vrbe ac commerciis agit. Desumpta sunt haec omnia, ipso Strabone <sup>4)</sup> teste, ex *Eratosthene*, quem saepius laudat. Excipit haec partis occidentalis descriptio; qua tamen simul comprehendit oppositam sinus Arabici oram, usque ad terram cinnamomiferam. Alium autem ducem hic sibi elegit Strabo, *Artemidorum* scilicet, qui in opere geographico maris quoque rubri periplum exhibuerat; ita tamen, ut interiora quoque terrarum subinde describeret <sup>5)</sup>. Artemidorus autem unde sua hauserit, minime dubium est. Exscripserat nempe *Agatharchidem*, qui maris rubri, i. e. Indici cum sinu Arabico descriptionem reliquerat; ex quo multa enotavit Diodorus, quae totidem fere verbis apud Strabonem legimus.

Reliqua, quae sub finem libri de Arabia tradit, non ex libris scriptis, sed ex colloquiis virorum, qui terras illas adierant, hausta sunt. Est ex his *Athenodorus* Stoicus, Tarsensis, quem Augustus Tiberio praeceptorem dederat <sup>6)</sup>, cuius familiaritate utebatur noster. Adierat ille Petram, Nabataeonum metropolin in confiniis Arabiae ac Syriae sitam, insigne Arabum emporium, Demetrii iam Poliorcetis aetate, qui illud occupavit,

4) p. 1110-1112.

5) p. 1114. etc.

6) De eo Voss. p. 144.

celebre <sup>6)</sup>. Peruenerat autem praeterea Strabo, dum in Alexandria moraretur, in *Aelii Galli*, Aegypti praefecti amicitiam, qui expeditionem in Arabiam felicem, minime felici exitu susceperat. Deceptus enim erat a Syllaëo quodam, ac in solitudines ac loca arenosa deductus, ubi maiorem exercitus sui partem amisit <sup>7)</sup>.

## LIB. XVII.

Supereſt ultimus liber, reliqua *Lybiae* complectens. Agitur ibi Geographus. primo de Nilo, eius fontibus, cursu ac ostiis, auctorem vero quem in his sequitur statim in fronte indicat, *Eratosthenem* <sup>8)</sup>; qui causas quoque annui fluminis incrementi, imbres nempe quibus Aethiopia abundat, ex Aristotele exposuerat; Aristotelem autem sua ex Thrasyalce, de quo nil nisi nomen constat, sumiſſe <sup>9)</sup>. Ceterum sua adhuc aetate plures de Nilo scripſiſſe, ex quibus *Eudorum* nominat ac *Aristonem* <sup>1)</sup>; quorum tamen alter alterum exscripserat. Aristo hic est Peripateticus, Alexandrinus, Augusteo aevo clarus; de Eudoro solum tantum nomen superest. Sequitur tunc ipsius Aegypti descriptio, ampla et accurata, initio facto ab vrbe Alexandria. Constat, autem, Strabonem omnem Aegyptum, a Nili ostiis vsque ad primas Catarrhactas, viſitaſſe, quod ipſe teſtatur <sup>2)</sup>. Narrat itaque, quae ipſe viderat, ſi pauca quae de hiſtoria ſub antiquis regibus, ac ſub Ptolemaeis maxime admiſcet, exceperis. Debentur haec partim *Polybio*, quem ipſe

6) p. 1126.

7) p. 1127.

8) p. 1133.

9) p. 1139.

1) Ibid.

2) cf. p. 1136.

ipse testem affert <sup>3)</sup>; ea autem quae tempora a Polybio descripta excedunt, ni fallor eius continuatori *Posidonio*; Pompeii enim historiographum in iis agnoscō <sup>4)</sup>. Quae porro de Alexandri ad Ammonis oraculum profectio narrat, ex Callisthene, et alijs Alexandri comitibus desumpta sunt <sup>5)</sup>. Ea denique, quae de locis supra Aegyptum commemorat, fluxerunt partim ex *Petrōnii*, qui sub Augusto arma iis intulerat, narratis <sup>6)</sup>; partim ex *Agatharchidis* de rubro mari commentario; conueniunt enim cum iis quae Diodorus inde excerptit; sunt tamen nonnulla quoque, ubi Herodoti vestigia premit <sup>7)</sup>.

Finita Aegypti, et Aethiopiae supra Aegyptum descriptione, supererat *Lybia*, de qua altera huius libri parte agitur. Falluntur tamen, qui Strabonis opere *Lybiae* notitiam admodum augeri opinantur; ultra enim Oases ac Ammonis templum nil se compertum habere ipse profitetur <sup>8)</sup>. Sequitur vero *Eratosthenem*; ac in dimensionibus *Artemidorum*; *Timosthenem*, Philadelphi nauarchum quem consultauerat, reprehendit <sup>9)</sup>. Quae de populorum moribus tradit, probabile est ex *Posidonio* desumpta esse, qui de *Lybia* scripserat <sup>1)</sup>. Praeter hos citatur *Iphicrates*, incertae aetatis scriptor, Iugurtha tamen ac Mario recentior, qui de plantis et animalibus *Lybiae* scripserat <sup>2)</sup>. Iubae quoque regis

---

3) p. 1148.

4) cf. p. 1147.

5) p. 1168.

6) p. 1175.

7) cf. p. 1179.

8) p. 1195.

9) p. 1184.

1) p. 1186.

2) p. 1183.

mentio iniicitur <sup>3)</sup>; minime tamen, quod admodum miretis, principis litterati scriptorum, inter quae Plutarcho et Athenaeo teste fuerunt quoque de rebus Lybicis commentarii, tribus libris contenti, quos si inspexisset Geographus, minime dubito, quin plura ac certiora de interioribus Africae, quibus aegre admodum careremus, tradere potuisset <sup>4)</sup>.

---

3) p. 1185.

4) τὰ περὶ Λιβύης συγγράμματα Plutarch. II, p. 311. Athen. III, p. 83.

---

100

**14 DAY USE**

RETURN TO DESK FROM WHICH BORROWED

**LOAN DEPT.**

**This book is due on the last date stamped below, or  
on the date to which renewed.**

**Renewed books are subject to immediate recall.**

[illegible]

LD 21A-50m-8,'57  
(C8481s10)476B

General Library  
University of California  
Berkeley

